

温州市图书馆

味义根斋诗册草二卷

善

共 1 册 存 1 册 排架号

08626

溫州府 函 呈 報

味義根齋待刪草

上

詠史

秦順董正揚眉伯

秦皇蔑三古所志軒轅氏欲從安期遊
蓬萊渡弱水
求師得盧敖采藥遣徐市神仙終不見
山鬼紛亦矣
道壁瀉池君明年祖龍死

孝文恭漢主禱祀無所祈受覆坐宣室鬼神勞誘咨
垣平獻玉杯一悟即誅之神仙好嬉遊肯作帝王伍
茂陵具英姿而為樂進侮巫蠱繼封禪氣焰以相取
惜時無賈生為帝明此義乃知夜半時前席有深意
黃家取天下成功藉女子滎陽二千人烈與紀信似
陵母伏劍亡乃得安國使漂母無一飯王孫長已矣
欲解平城圍詭計亦以此天驕百萬語不敢發一矢

乃知美人圖足以當壯士麒麟有百借不登衆美
惟傳一文成貌如婦人耳
式請輸邊欲以圖牕仕大哉平津侯斥之為不軌
西學雖阿世正議異諾唯桑孔算舟車衛霍窮邊鄙
坐令文景後中原多痛誠聽和也言二者皆可已
郭解罪當誅此議亦良是生不逢漢武東海長牧辱
故人且弗喧名下無虛士

讀晉書

荀顛止禮儀賈充定律令典午受籙初奸諛搯其柄
如何一王法制之自梟獍南風吹白沙一夕秋蘆竟
大馬既已死小馬亦云病屠蘓障日生其哀冰於盛
所慮非平吳叔子言乃應

東漢重節義以此莫皇興丞丞司直風於式及里閭
 蕭然士氣衰始自黨人誅孟德臬雄姿求士與古殊
 逐令魏晉間鮮以忠節書羗羯乘其隙神京為邱墟
 碩果幸不食守之有醇儒前為管寧榻後乃范粲車
 偏得呂虔刀與馬共天下江左數名家紛々誰如者
 其盛始休徵賢名乃以假朝為魏三老暮為晉三公
 老臣真無狀倚阿為侍中長揖向相王取重一何巧
 不拜郭雀兒亦有長樂老
 魏衡望陽元但希百戶長臣叔殊不癡濟也晚相獎
 識拔望他人相知昧親黨沈默無令名亢厲得高賞
 人固未易知交臂失往往鑒微能者誰抗懷千古上
 吾愛阮嗣宗庶幾古之逸佯狂濁世語以酒全其質

司馬求昏時一醉六十日白眼對道
避禍妙多術有魏此完人不可更有一傳列典午書毋乃非史筆
黃鵠自高飛所志何曠廓塵世盛樊籠欲以相束縛
超超元晏生寂寂甘邱壑少不為魏霸老豈為晉絡
圖史自相羊帶經事新鑿著為高士傳及身定寄託
景元咸寧間士多不古若貪或驚在梁危忘燕巢慕
不見茂先徒坐此羅凶虐達人察機先若著陳龜灼
男子皇甫謐此稱貴高爵
城陽景王裔仲雄寔磊砢倘學張子房仕晉無不可
豈有劉功曹委蛇倚朝左擬之豐與饒亮直乃亦頗
壯哉桓霸對雄談驚帝座攫獸而殺鼠司隸真公
生不作三公何曾喪厥我

錦不可為帽稻不可為壟官職各有守人性各有宜
將雪語夏蟲以天示醞雞漆園自妙論斯物固難齊
縣令雖卑官將以活羣黎不見清言徒能使醇化施
至哉公曾言此道今不移

吾廬

清溪環縣郭郭外即吾廬得地三遷後稽年六百餘

余先世於宋南渡時從河柳橋花豸烏榆港石斑魚

南三遷輻至羅陽義翔鄉門閉雙扉下傳家一卷書

終朝山色裡手自種名花青梓白公宅紅蘭謝客家

談詩偕弟妹歲事問桑麻夜伴慈親坐書聲雜縹車

平溪呈家遷菴先生

平溪終日水鄰鄰且向溪頭寄此身語屋低於栖鶴

舫秋山瘦似補蘿人裁詩未必輸
此里端倪號
癸辛古墨半丸書百卷先生家計未全負

茅齋

茅齋鎮日得蕭閒
幽徑松陰獨閉關
雲以無心常戀壑
泉知傍我不辭山
尊朝採魚兒碧
新筍初生雉子斑
莫道野人無麗矚
隔溪多少好烟鬟

山人

山人最愛羅山麓
自向山中結茅屋
岩傍架椽剝蒼杉
檐際飛泉剖黃竹
養得耕牛如子孫
教成野猿當童僕
一書文竒不可識
持向山前掉頭讀
我來相訪此山中
聞已上山刷黃獨
四顧白雲不見人
但聽鐘聲落空谷

自第一浴至第二浴俯觀懸瀑

隨雲渡溪橋杖策每孤往初沿水彎環更循石俯仰
轉迳出平林勢忽殊間敞兔斧斲山骨劃然分為兩
斷峽豁豁開長流此奔盪物谷覆漏釜垂崖削深盞
驚湍隨天風跌宕作奇響歸雲如柳絮與水俱下上
盤渦不見底俯瞰迷惝恍應有老蛟蟠曬鱗見或倘
遊龍護寺遂登寺後諸峯信宿而返

平生事幽棲探奇思結侶况乃城南陲曾無十里許
確萍尋竹徑逶迤遵蘭渚三峯五峯雲一溪兩溪雨
指點虛無間云此開梵宇危墻走秋兔敗檐宿穉雨
殿古黯龕燈風勁墜鈴語殘黃零佛臂慘碧斜鍾虞
枯瘠守一僧野貌守麋麋見客絕送語晤晤相爾汝

猿

羣峰駕雲來作勢不相讓左盤復右東背忽西向
轉側無窮形交縈非一狀天公太好竒作此新花樣
雕鏤造化心以此幽人賦逝將誅茅來結屋此高障
松子落空山驚破幽魂猿睡鳴掠斜枝斜想更入深邃
肅肅山風生梵唄禪清吹夜深神燈來照此空廊悶
白雲癡不流下向檐牙墜

村墅

深竹圍幽徑人家正夕烟樵魚非熟識乾坤真浩蕩淳樸自山川
野鹿偕牛飯山童就鶴眠花間逢賽社對飲盡高年

山交寺

峽東白雲歸物谷天回明月入空潭深山盡日無人
到僧與秋猿共一龕

楞伽菴

竹密疑無地山高更有池前峯太古雪飛上道人眉

林峰寺

青林林外寺花徑一何幽客到孤雲外僧歸古渡頭
山泉晴更響風樹老宜秋日暮層陰合蒼茫動我愁

百丈口放舟

峽東高天迥輕舟此溯洄碧環千樹合青劃萬山開
篙影穿波曲灘聲得石哀蒲帆十八幅幾日到松臺

百丈謠

百丈百灘一灘一丈迢迢羅陽如在天上

依綠園訪曾大煌

小泛瓜皮艇言尋水曲園黃鸝相與語桃李自成村

岫色青連屋溪流綠到門檐前頻噪灌應為故人喧

大觀亭

秋風吹客屐獨上大觀亭雲壓千山白天垂四壁青
魚龍紛戰鬥湖海入空冥且到松間坐吟詩與鶴聽

郡城春日偶詠

芙蓉亭外酒旗飄鎮日吹臺有玉簫紫棟風微斜燕
子桃花新水嬾魚肥苗綺霞不斷玲瓏館畫檝都通
宛轉橋何處春洲漁唱晚載將海月上江潮

縉雲縣

地以軒皇氏城從婺括分山川留隱吏風雨護碑文
野竹招明月春流碓白雲黃龍存古寺空憶耿將軍
永康道中

仙都青未了青到畫溪邊一水篔簹衣港永康水最易
謂之通篔簹衣港雙篙鷺鷥鳥船居人供豆酒驛路踏榆

吳山春遊

好景春山畫不如山中半是道流居綺樓依佛多沽
酒小店臨江祇市書草色青粘名士屐花江紅上美
人裾參差亭閣斜陽裡一路香風送錦車

西陵曲

君在錢塘江上住妾家門戶對江開遲君莫學錢江
水纜到西陵便折回

詠王肅

聖證為書妙語言儒林從此說多門南郊竟奪康成

議賴有他家好外孫

林和靖墓

遺冢纍纍是惟傳處士名
梅花香槁骨野鶴想前生
充隱憐神放登封薄馬鄉
孤山山下水澈底照人清
謁岳忠武墓

偷得偏安據一方金牌十二事
淒涼祇緣授璽非靈武
忍使浮鳩痛壽陽江上神難招
白馬天心劫已定
紅羊六陵回首冬青樹杜宇聲
總斷腸

秋試後作

管城食肉不相兼莫倚能歌昔昔鹽
行笈空齋書五篋旅資難賣字三緘
眼青向我唯雛鶴淚滴如人有
玉蟾愁上錢塘江上望鄉心添似暮潮添

傳觴無計破愁城好事由來遞變更敢以成名嗤廣
武偶然落紙似雲卿海中蜃闕仙山影風裡梅花玉
遂聲多事樓頭喧鼓角關心也作不平鳴

雜言

人事有不齊例自洪荒定盤古逾萬年壽亦有時罄
神農嘗百草斯人已多病循蜚因提來君相皆神聖
如何共驩輩登朝側諛佞繼治有三皇奄忽更五姓
理亂迭興亡菀枯更衰盛亭毒者何心一氣之所孕
小鳥集檐端嘖嘖鳴不已千聲與萬聲不知何所以
想其對語時亦自異訖起纍纍線貫珠泠泠瓶滴水
禽鳥有本心不為悅人耳自在天機流於此悟至理
冰蠶不知火夏雪不知寒理局局為圓時更更多缺

髻

兼謀畏多窮并包乃決裂世途患紛營大巧不如拙
生非太上人展轉多百憂多情已累身無情亦招尤
門前清溪水日夜向東流前者已亟去後者猶不休
誓欲登霍山南從肱肱遊不然滄海上舉手招白鷗

吳船詞

昨日桃花塢今日梅花里踏搖孃如花生長在花裏
帆角日初斜桅頂月已上采菱一曲中蕩過幾棹
山學盤詰青水似裙腰綠蕩得小畫眉鴛鴦湖裡宿
過橋船背黑過籊船底響只道艇子飛不知春水長

過石門

村浮煮繭烟林聞剪桑響遙溪曲於帶修畛平如掌
閒鷺飛隨帆跳魚驚避槳榜人沽酒來淺紅生瓦盎

欣然還一酌纖纖月初上

蘇州

蘇臺烟景畫濛濛。鸝巷香涇細雨中。空有美人來越國。更無高士駐梁鴻。水圍茂苑波長綠。鶯入江南語太工。急管繁絃聽遍處。至今歌舞似吳宮。

蘇臺懷古

玉帳金床久寂寥。春風猶是可憐宵。苧蘿月落梧桐冷。香徑人歸豸鹿驕。鐘鼓難銷懸日恨。河山不敵捧心嬌。江南從此耽歌舞。贏得風流送六朝。

遊虎阜

一春長自作山遊。也向吳門十日留。七里鶯花沉虎氣。千家絲管壓僧樓。美人俠客均黃土。鬢影衣香自

綵舟短簿祠邊閒竚立誰從典午問風流

五人墓

三尺孤墳水一方吳兒爭說姓名香時危黨錮無完種世亂屠沽有俠腸殿上何人迷鹿馬中原從此哭魚羊殺身不為私仇死羞傍要離故冢旁

淮陰釣臺

高鳥飛空盡蒼茫大將臺濤翻淮水失雲湧楚山來栖隱無長慮妨身是異才荒祠連漂母千古有餘哀

漂母祠

漂水投金瀨東連漂母祠古來奇女子都識好男兒磊落英雄氣淒涼感慨辭鄭侯能薦士讓爾最先知

東平道中

曉氣濕不飛撲地凝為水遠樹平露梢入望如萑葦
小車溟濛中正與漁舟似晨曦忽東升微風蕩如洗
却憶吳航遊殘月雙湖裏

過項王墓下作

鴻門座中來上壽玉斗一聲真龍走言者直說曾無
傷豁達大度逾高皇竒計可惜拋亞父拔劍空復勞
項莊帳外楚歌帳中舞金樽一酌泪如雨英雄至性
自天生亦兒女情亦英武穀陽斜日悲風哀行人遥
指戲馬臺不見長陵一坏土祇今亦自生蒿萊

鄒縣

少住輪蹄鏡春城一望中山圍邾子國地接魯王宮
柳葉翻風白鷗翎染日紅今宵何處宿孟里舊鄰東

謁孟廟

岱色落青蒼行人拜廟堂道能繼周孔天不授齊梁
地闢雷泉古風生楷木香明禋千載肅總近聖人鄉

滕縣

驅馬古城闔文昭舊國春地真堪畫井花不見如銀
七國誰佳主三齊難比鄰穹碑祠宇下猶自悵耕民

東阿道中

古戍層岡上孤村齊魯間
劍聲柯邑樹石色穀城山
水落笈箬靜場空碌碡閒
聊從沽薄酒為我滌塵顏

陳思王墓

本以才招忌知非恨灌均
天移禾女歷冢認建安人
文豈磨錢滅心憐煮豆頻
淒涼華鶴表猶自說親親

荏平書所見

刑

漢代荏平縣停車城北隅春風偏着落客日似銜珠
瑟挾高鸞佩花迎小燕雛女問三百戶試與問夷吾

雄易道中

拒馬東連灤水流宋遼曾此劃鴻溝銀鞍竟失三千
騎玉斧難爭十六州邊將但須嚴鎖鑰中涓何事啟
仇讎石郎殘土纜恢復博得青衣無那愁

九十九陂春水香蓼花遊曲譜何郎當年未必迴戎
馬此日真宜溉稻梁紫荇千絲縈錦石紅闌一帶隱
雕航滄洲大有江南景何處漁歌下夕陽

河間

漢代分封舊井疆驅車人到古河塘樂陵梧樹長秋

月竇里青山，亂夕陽九曲，祇今移太史六經終古伏。
賢王瀛洲第一亭邊路，多少芙蓉出水香。

景州謁董子祠

溯昔建元代，六經誰發明。天人尋古義，伊呂是公評。
賢里河間近，心源泗水清。玉杯頻削簡，璧甕早書名。
七略醇儒始，千秋絕學萌。官徒相南國，策自冠西京。
自有三仁問，爰知五尺輕。懷蛟空著述，牧豕乃公鄉。
胄裔遺符起，推崇得更生。史臣稱舉首，賤子企崇英。
下馬求孤碣，窺園笑俗情。荒祠憑吊處，肅々竹林聲。

易水

易水悲歌地，荆卿此入秦。圖誰借，豎子劍，惜與夫人
天地終三代，艱危藉一身。於期空喪首，為爾淚沾巾。

黃金臺

歷室求賢日宮臨碣石開英雄憐馬骨天地有金臺
夸說駟行虛名託郭隗望諸君去後誰是不凡才

擬送人出塞

落日澹孤城青山送遠征男兒當報國天子詎佳兵
野草荒、折闕雲鬱、生登樓自春色少婦若為情

擬古

愛懶以酒愛熊以鹽痰不如石寬不如嚴使犬服車
使魚捕鼠性則不存能於何語白日蒼茫黑雲欲上
仰天悲歌中懷怆怆

公子臺

鏗華鐘按鞠部賀若琴花奴鼓吳孃皓齒為君歌趙

女細腰為君舞酒霧華燈不知曙簾外繁花落如雨
花悄悄香悠悠翠幔姁妮垂玉鈎夕陽澹沉下玉樓
紫檀拂髻芙蓉倦金屏小閣重開宴皇帝陛下壽萬
年臣父長侍明光殿

燕女詞

妾家住近金臺道紅樓山色鏡中曉樓下華樹連理
枝窓間玉籠共命鳥郎從江南來日日遊豐臺豐臺
好芍藥似妾芙蓉腮芙蓉姁妮初着雨鴛鴦相對交
翠羽無物奉遺郎一枝丹若香丹若生榴子結實無
空房願郎只似白翎雀莫學鴻雁更南翔

詠冰水

銅盃敲聲徹銀杯取次斟甘酸變真味冰雪失前心

人海襍穢集熱腸城府深不堪迎火馬教爾滌煩襟
苦熱行

鑿冰為窟不可睹驕陽更驅赤燂怒鬱儀高擁九鳥
行晒土如石石如土去年六月住西城者椿作屋高
於棚時有甘霖洗炎暑不畏長空火傘擎今年亦在
城西住兀坐一室生太苦室小如甕日如爐非金石
軀底可鑄南陸赤道跋烏驕封姨巽二何遥遥石湖
千里冰猶解陰崖萬丈雪亦消吾欲挹高禪延飛仙
起豐隆於九淵兮下列缺於九天風蕭々而珠落雨
籜籜而絲懸浸白龍之扇振冰繭之裾摹北風之畫
撫招涼之珠口飲青蓮花足踏珊瑚樹水晶宮殿侵
肌涼移向銀蟾窟中駐崑崙風引去弱水不可渡不

如傾浮梁踏月階前步醉即酣卧醒遠
三仰看白雲
載顧鬼

端午禱詩

十辰三卯卜葭筒北至羲輪建井中浴罷蘭湯東閣
下晚涼好趁藕花風
細葛香羅疊晚霞紅裙又妬石榴花夜來寶粟粘香
汗新試秋蟬薄翼紗
切來庾玉最芳甘磊落黃梁薄雪寒好是瑣窓親射
處呢喁小語祝多男
古殿崔嵬聳露臺賽餘香會寶宮開香車盡日如流
水說自碧霞村社來

題西旅貢葵圖

小幅宮箋作意描韓盧宋鵲未稱豪桃林且自歸牛
馬傳語西人莫貢焚

太乙壇

太乙高壇禮玉真漢家祠祀變前人始知不墮垣平
術宣室曾經問鬼神

春閨怨

垂垂柳又綠前溪無那嬌鶯向曉啼閨夢不如芳草
歇春風吹過玉闌西

陳后詞

黃金作屋事銷沈永巷終朝閉夕陰莫倚長門能悟
主渠家先有白頭吟

晚步

九曲闌干外微吟獨自行苔深迷鶴跡露冷咽蛩聲
瘦覺秋風早愁含夜氣清鄰家誰倚笛哀怨不勝情

秋思

絕野孤雲少高空獨雁哀秋風吹落葉一夜到金臺
客自憐園鞠歸猶及早梅茫茫人海裏祇事厠凡林

除夕

增甲瑤樞將改歲階前爆竹乍驚眠東風已作來朝
約殘夕猶餘未了緣遮莫爐多書悶字祇應索有買
癡錢故園遙憶屠蘇飲雁影椿雲各一天

古意

百疊芙蓉衩千絲翡翠裊開箱不敢著怕有舊啼痕
妾似秋後花郎如春前燕同在一年中相思不相見

鄰女采蓮去，相約過橫塘。近來單棲久，生怕見鴛鴦。
與郎記別時，明珠穿一一。郎似含浦珠，知有歸來日。

俠客詞

百金買寶刀，千金買駿馬。相顧五陵豪，誰是知心者。
昨夜北風狂，雪花大如掌。曉起出門去，不知何所往。
黑山四合圍，相顧無人色。生平鄙程尉，不作一錢直。

蘭膏

蘭膏翠羽，徑相催桐穴。空巢事可哀，我見猶憐真。酷
妒世皆欲殺，乃奇才眼中。滄海歸棋局，身外浮雲入。
酒杯且看長天孤，朝迴為收劍鋏，一徘徊。

題葉汾浦觀察同年集

得從京國寄詩筒，一卷新編造語工。庾赤玉胸無宿

物李青蓮筆有仙風披餘不覺頻呼快佳處翻愁讀
易終待取薔薇勤盥手年來教我悔雕蟲
先生貧少一雙田未必非詩厄壯年文到妙來天亦
忌吟初脫稿世爭傳雞林應自收名句狐穴何由續
短篇藍澗藍山風雅在遲君更著祖生鞭

書所見

瞥驚塵裏擁朱霞寶馬徐牽擲果車一自紫雲歌玉
版遂從紅粉門鉛華六朝舊事憐新柳三月春愁咏
落花正有道旁皤髻叟尊前也欲訴琵琶

題發庵士女圖

新裁翠袖下妝樓小院無人澹欲秋一種深情傳不
得海棠花上月如鉤

於寓齋闢一室名之曰詩禪因題此詩佛家所謂杜撰禪也

妙諦誰知索渺冥非空非色自芳馨柳宗元似辟支語黃魯直如摩詰經皓月清池孤鶴下空山流水一花醒由來稗販無心得莫向雲門謾乞靈

秋晚姚氏寓齋同葉大汾浦夜坐

柏花槲葉澹秋烟對爾清光共惘然石不能言應有恨樹猶如此最堪憐五千里外人常別廿四回看明月又圓松菊故園君憶否遲遲行肯似前年

河間和壁間韻

萬春山色鬱嵯峨車子斑斑山下過燕趙天分秦上谷鈞盤地界古黃河日華長護賢王宅烏尾又聞姹

女歌獨向寒隄閒眺望蓮花桂樹近如何

謁文范文正祠

履霜彈罷玉琴哀一代風流共溯洄十萬兵從胸裏
貯百官圖向殿頭開常將憂樂先天下不使勲名薄
秀才莫笑當年窮塞主可曾命世識伊萊
辛苦齏鹽事曲墳天將大任屬夫君好花自合栽盈
樹明月何曾缺一分良相心情惟利物大儒氣節更
能軍如今正是需才日憶煞當年閫外勲

友人寓德生庵過訪作此

清齋一食共彌陀曾是江南陸法和坐有梅花憐瘦
影間傾竹葉更長歌人堪對佛名心沒詩每逢僧好
句多案上楞嚴君看否慧根端不遜維摩

蘭溪

藹藹青山渺渺波
玉壺寶掌對嵯峨
鏡中樓閣春城
近雲裏帆檣估客過
香草自從江上長
麗人最是水
邊多東船西舫皆明月
愁聽聲聲子夜歌

到家作

年年索米向長安
此日歸來亦足歡
弟姪漸多咸長大
親朋更約共杯盤
不堪旅況從頭說
且喜家山拭目看
最是慈親憐久客
頻將鄉味勸加餐

勵志詩示弟莊臨季長

冉冉孤生竹結根羅之陽
裁為簫與管異身同宮商
一為師春吹鳴聲如鳳凰
鳳皇皇諧律呂上翔及歸昌
聖人奏雲門雅製叶空桑
用導至治休持以擬咸章

無為悅俗耳我培賦穹蒼

雞鶩志一飽爭鳴聲啾啾鴻雁率其羣亦有稻梁謀
軒然老鶴飛去之如避仇豈能飲露飽苟得誠所羞
朝隨鳳鳥嬉暮從鷓鴣遊仙人種瑤草雲子生珠邱
飲啄隨所願非與亦非求翱翔九臯上下視百鳥儔
培塿無松柏此言非志士不見古南蠻文學變言子
嶺海生偉人乃自曲江始詹也遊韓門才與籍湜比
遂令無諸國後來萃衆美患生於畏難甘以遜人耳
末義守偏殘拘學抱尺咫靡初况有終一行而十止
轉云地囿人坐此聊相委吁嗟百年身泯泯不知耻
人飲河水濁不食渠水清渠水非不佳易涸亦易盈
濁河來有源遠自崑崙傾灌濡天地間終古無虧盈

為學務其大志量自恢宏毋抱自足念碩學讓前英
既持以自勵用敦友于情共勗我祖言六世祖恒菴公築尋源草
堂以為族人讀書之處其額記有云無或忝所生
為學之道莫大於逢源云

高松

高松如道者獨息此山陰月寫幽人貌風傳太古吟
美人披白石來此鼓瑤琴一作清商曲空霄鸞鶴心

登天關山絕頂

衣領雲猶濕登臨更上方衆山看歷歷絕野自蒼蒼
夜永星辰大天清草木香俯尋求處所一線入微茫

訪隱者居

芙蓉三十六何處是仙家一途前峯轉溪流數片花
小橋村路細古屋夕陽斜待入深林去相從採菊芽

同友至山村

客有幽棲者從之谷口樵削杉為屋瓦疊竹當溪橋
水落魚兒靜山深鹿子驕便應携伴住莫惜入林遙

山家

臨溪數茅屋彷彿武林津林響猴爭果堂虛鳥就人
村樵知藥性野老惜花辰一酌山家酒當筵笑語親

題所居壁

生涯只有地雙弓鳳岫之南平水東與我周旋三徑
月千鄉何事一池風債如春草蔓難盡詩比秋鶯語
不工兄弟聯吟無別業全家贏得是雕蟲

下灘

朝上百步嶺暮下百丈口

地名萬山圍一溪建瓴向東

走人過石腹中舟作寒鯨吼浪花乱低高峯色忽前
後回看天際雲白日變昏黝

上灘

高空風雨聲層灘如鱗次船頭木庚庚舟端有孔以

上灘則以船尾篙儼儼之注杵子厚不歸賦後者鶴聳

尻前者猿聯臂一步舟再蹉跎與水爭尺地心虞輿

瓢裂力謝挈瓶智安得趕船風朝朝送灘至

宿南峰寺

古寺藏山腹當門更一峰客隨歸鳥集僧已打包慵

落木和踈磬秋陰澁夜鐘明朝朱嶺上巖壑更重重

遊善果寺

秋色似瀟湘携琴渡石梁山雲依棟宇溪月冷衣裳

樹葉安猿室松花足鶴糧蓬壺清曠境未抵贊公房

贈龐大秋雪

之子秋山裏携孥事灌園石因題筆韵牛以負書尊
破榻常留客交遊不出村白雲如有意長與傍柴門

溪橋

小立溪橋畔寒臯落日時灘危魚上少林近鳥歸遲
月向蘆花得秋先老樹知臨風歌息帽望遠不勝思
客有為言官臺山之幽邃者予仿劉夢得詠九

華之例為作長歌

官臺山乃在閩括甌東絕野之中間地志山經岳瀆
之書所不載無諸開國以後無人攀其高一萬八千
仞巉岩峭壁相彎環上有玉女明鏡之飛泉木下有

鬱儀浴日之深淵
栳幹栳柏生自龍
漢延康年靈藤
珠絡交蔥芊
近來鏡官開
爐冶樵人始有入山者
确
萍本無徑草深常沒
踝隨石為俯仰與雲俱
上下絕
峽拗回山風急饑虎
裾岩瞰落日老羅學
人作人立
猩鼯叫猿悲啼搗藥
仙禽飛一一仰石室
於懸屨見
斷瀑兮間之落霞如
綺瓊蕊交枝人不敢
摘仙不能
知雲將來以在下
曜靈過而停曦惜哉
遠在東南陲
謝公屐齒何曾窺
客來為我說茲山
洵奇絕何不青
鞵布襪遊更入青
冥探岩穴手摘
明星弄芙蓉與子
共餐太古雪

秦皇

收來鋒鏑與天高
當日搦心亦已勞
十二金人都鑄

就不知遺火鑄金刀

野步

不盡青天裏孤雲與白鷗花光紅潤水草勢綠浮山
衆籟欣相遇吾生偶得閒春愁千萬斛一例共詩刪

西澗

澗上微風動白蘋數家茅屋澗之濱闕闕水鳥迴波
曲疊疊山田折帶皴峭壁猿窺鋤藥客踈籬犬吠拘
花人桃源亦是塵寰地好向松溪去問津

由松溪至西澗
不過十餘里

山行入隱峯庵

小徑平田上深山古木圍蘋花剛半頃屬玉也隻飛
對瀑逢樵話看雲共衲歸精藍似漁舍壁掛綠簑衣

初夏村居雜興

熟梅天氣半清和亦一雨柴門潤薜蘿
蜂為花闌停蜜課魚緣水長出菱科
談禪老衲穿雲至刈麥村農載酒過
更有青山能伴我當恐時與掃雙蛾

讀司馬相如傳

漢家才子風流甚不惜將身為酒慵
十載遊踪無鷓鴣一家四壁有夫容
生前敢薄文園令死後應憐社首封
癡絕天涯兒女子至今猶怕向臨筇

秋圃

自携鴉嘴刷秋藤閒與園丁話菜塍
為說物情難捉摸葵花向日豆花憎
齊民要術豆花憎見日

歌枕

涼宵清若此歌枕對歌檠
細雨桐陰過微秋竹簟生

蛩踈臨砌響，螢小傍窻明。試聽山譙上，殘更第幾聲。

東安廢寺

千峯亂出沒，危徑側欹升。殿黑巢雙鶻，廊空卧一僧。
塔鈴傳佛語，山鬼拜秋燈。欲問無生訣，惟聞有鶴應。

城東遊

咫尺城東自一鄉，溪汭石色晚蒼蒼。數家門對寒泉住，
一路風生野菊香。斜日空田喧鳥雀，亂山踈樹見牛羊。
重來與約梅開日，去看橫枝水竹旁。

壽寧道中

小村無一里，曲徑似螺旋。人鑿岩腰住，牛耕屋脊田。
棲鳥前代樹，引竹隔山泉。樵客穿林去，山花壓擔鮮。

福鼎縣

客路飛黃葉，離人第一程。
衝烟羨嶼鳥，帶雨鼎山橙。
海氣秋侵屋，濤聲夜入城。
明朝登白鶴，一覽小蓬瀛。
兩度白霍嶺，恠禽登木呼。
頽雲出山罅，裂崖風色寒。
打頭兩點大，孤客烏失林。
行子蟻緣磨，山腰小庵出。
頗復客我坐，耳際大海濤。
似與鐘聲和。

寧德道中

人亦隨鸞渡，秋江一葉過。
溪光螺女近，山月霍童多。
小市喧蠻語，深林出畬歌。
天台來司馬，仙樂復如何。

羅源道中

到此崎嶇盡，山城入望妍。
蓮花寒不落，白霍自高眠。
羅源羅源眠霍亭名，在蓮花山上。
海錯登盤異，江梅破萼先。
客裝初却

處羣玉正筵前
羣玉山羅源山名

榕樹

榕樹巧連枝相抱殊未了下有紅豆花上有游香鳥

閩行雜詠

已有榕陰覆綠畦
輿纜過萬羅西回頭猶見故鄉

水紅蓼花開是白溪
明史地理志泰順西有白溪從寧德流入西海

白雀峯頭望渺然飛鸞渡下水浮天
人家多傍山

住春水桃花種蛤田

閣蛙聲乱晚潮烏皮艇子兩珠跳
雨蘓江亦似浯江

險那得狀元為造橋
晉江舊名浯江以浯陽橋為蔡

萎葉青蠟粉紅雞聲粒粒盛筠籠
紅潮登類檳榔

醉比似燕支點口工

正是荔紅瓜綠時
蕩花風裏織蕉絲
珠孃也似嬌鶯
樣个金衣坐柳枝

春風人過小蘭亭
寂寂鰲峰照眼青
想像西湖波卅
里樂遊曲子倚船聽

福州

炎天城閣接滄溟
一望榕陰到眼青
旗鼓再開偏霸
國江山兩駐小朝廷
清宵煙月梅花塢
終古秋風木雁亭
最是妮人螺女舫
樂遊歌向釣臺聽

無諸廟

烏石山光間綠榕
閩王宮殿想遺踪
初隨赤帝蒼兕
老向滄江釣白龍
星拱女牛環百越
天開旂鼓鎮雙
峰東甌南海俱祠廟
一體英雄受漢封

烏石山晚眺

遙空雁一聲秋色落高樹人在翠微間雲陰濕芒屨
城窠一似眺萬屋如鱗附藹夕陰生晚斜陽度
疎鐘有時聞聲來不知處江波無盡時蒼然向東注

劣削峯

海色上眉端雲光滿衣帶石高日月低山小星辰大
鏡裏懸琉球圓天如倚蓋神遊裊瀛間日眺扶桑外
天風鼓洪濤冷冷生仙籟廣樂張洞庭忽與耳際會
上有紫陽書若龍翔鳳翺想見古賢來峩冠坐秋藹

閩宮懷古

識語怡山屬渺茫偏教白馬駐三郎千軍拜劍開闌
越七葉沙符邁蜀唐鏡券人誰尊共主金輪子但事

空王不知航海真何意
遣貢年年到大梁
水晶宮築水之涯
無數亭臺效館娃
銑虵暗錢青鎔
苻子玻璃椀碧
奠蓮花招提四百
開僧國宸衛三千
護帝家最是西湖
清卅里曾同吳越
門繁華
六十年来闢井疆
誰憐叛國水西王
宮妃自設傾筐
會宰相真宜剖酒
腸雙雀庭中祠太
乙九龍帳裏駐
歸郎寶皇也是無
情者一任文徽下
福唐

甘棠港裏水粼粼
莫向南臺去問津
龍鳳燭殘悲學
士鴛鴦花冷悵
佳人泥金作賦
徐昭夢掃石耕
雲劉子真
獨自支提峯下
過故宮何處號
長春

自侯官至長樂縣署

螺江東去向金崎首
石山光正落暉
椴樹凝雲後極

長長樂亦產如如上上黨黨而而人人薄薄參參潮田得月恰苗肥園經霜後留蕉
果客在春前試袷衣寂寂縣齋誰共語一雙番鴨繞
庭飛

興化道中

寒色在蕙葭帘青賣酒家旗亭楓樹古秋水鷺行斜
風物懷通應溪山似永嘉九峯遙指點清夢到蓮花

楓亭驛

九仙山上碧雲稠九鯉湖中水亂流獨上楓亭二上
望丹楓究竟不曾秋
誰家亭子露踈檣水自珠孃眉上青龍目千丸荔第
一閩中最好是楓亭

洛陽橋一石萬安橋

誰知絕險波濤裏真箇橫橋得萬安足底魚龍懸白日
宵中神鬼護危欄侍郎今日羣尸祝天子當時祇
縱觀宗相傳唐宣此可惜穹碑祠宇下不將檄草共雕刊

衆南即事

保泉山勢似修蛇縮住泉南十萬家丹螭自憐甘露
樹紅鸚多傍刺桐花江風吹雨來金粟海日蒸雲作
綺霞客裏行厨都不俗楓亭荔子幔亭茶

黃孫科同年招飲

紫帽峰前路高吟向我招千秋秦篆句一枕晉安潮
海月生桃席江雲入酒瓢雙紅蝙蝠舞飛上美人蕉

惠安

鷓鴣聲不斷一路綠榕烟蠻女開珠肉畬人種蛤田

春城初鼓角海工正戈鉞海時盜制府以勤薄暮從何宿
孤村鷺堠邊

野廟

野廟空山曲蕭疎落木間蝸痕神鼎篆苔色拂衣斑
村媪爐香冷秋心竹玳閒歸鴉飛點點日夕下柴闌
愁絕木居士危龕倚壞檻空階交虎跡落日墜鴟翎
地僻神難守山頑鬼不竊板厝誰薦汝終歲自伶俜
相思嶺

曲磴立盤三干迴更迫折岩水滴泠泠向人作哀咽
男兒為饑驅奈此遠離別無情自山川今與音塵絕
粵鳥集榕端孤鳴聲何切下有紅豆生非秋已如血
雨歇山庵小坐

檐雨滴空盤
幻作木魚響
庵中僧不見
閒雲自來往

極險關

此關名極險
何事客重經
黑石如凍雨
虛崖走迅霆
林烟含虎氣
岩水帶龍腥
手製藤蘿過
山花空復馨

分水關

甌閩開國日
畛域此山垠
水劃重關險
天低牛斗分
溫為牛斗分
野過此為閩
界危松生古
塔夜燒寒燄

雲棄縑人不識
無事效終軍

峽嶺

峽嶺最峋行
天渡石橋高
雲及松足急
雨止山菁
夜半金烏至
秋中白雪飄
居人樓上住
抗手揖層霄

飛雲江際晚眺

江際炊烟生洲中魚艇泊斜波躍白魚孤雲暮歸鵲
晚日下遙汀泠泠夕風作何處一聲鐘秋濤向大壑

南湖

吳橋十里漾玻璃落日松陰一剪齊帆角遙移山寺
外笛聲多在水亭西青蘋風急魚羣上紅藕花高鷺
影低知是村村新雨足都撐魚艇進前溪

登華蓋山絕頂

容成太玉鬱岩堯絕頂層臺建斗杓萬古江山環峻
堞一川風雨動歸潮平原日落哀鴻急海國秋深老
鶴驕霸業雄才人去遠諸峯竹柏自蕭蕭

石門觀瀑

甌括山水天下無甌稱雁蕩括仙都就中石門亦清

絕靈秀不與二山殊。昨者泛舟孤嶼下，蜻蛉一葉隨。
雙鳧江流縹緲清溪綠，蕩漾已至山之岨。山僧導我行，
谷底眼中似覩龍眠圖。詰曲磴道不百步，身輕無
勞靈藤扶飛流直下三百丈，驚聽驟雨喧菰蒲。懸崖
倒瀉涵星湖，瓊胎寶藏神龍輸。玉盤大小牟尼珠，灑
落高天萬億俱。躍然劍氣飛湛盧，青冥一抹粵容膚。
素甲白羽明如茶，拱稽振鐸來吳趨。東王公坐錦羅
綸旁，有玉女迴清矚。千二百驍投碧壺，頌琴雅瑟交
笙竽。天風忽起銀蟾孤，橫空片片雲英鋪。我本山水
窟中住，見此更復勞。唯好如以冰壺濯我魄，久立不
愁濕衣襦。誠意當年讀書處，祠堂即在飛泉隅。想見
書聲答清響，寒晶粟玉明眉須。造物設施類有意，時

與名世為清娛坐餘再酌青田觚前山元鶴來相呼
更棹蘭橈好溪去蓮城天半落青柎

石帆灘

瓜皮小似葉斜日亂溪灣水涸船鳴石灘高帆上山
艱危爭尺寸身世總憂患不及洲旁鷺終朝自在閒

嚴灘懷古

誰教齊相得相傳悔着羊裘大澤邊天子尊難加故
舊狂奴配只有神仙登朝鼎足三公賤入夜星辰一
榻懸恐有漁人高逸侶桐江月色尚娟娟

宿吳山西爽閣

元館清無寐愁人况暮秋壇空踈磬寂烟裊夜香流
山月半床納江聲一枕收雙雙蝙蝠影斜舞落簾鉤

葛嶺懷古

集芳園北玉岩東多寶樓臺想像中
蟋蟀鬥殘天水碧鷓鴣啼斷木棉紅
書傳玉桃千年重畫笑螺屏十事工
隄樹湖波來息影野梅無處問春風

表忠觀

全用十五咸

唐室傾危日潢池戰鼓僂英雄
分割據草澤得機緘勁旅陳鵝鶴
嘉師聚虎麕破巢韋毅勇并越雪心銜
節鎮羣窺鼎中原孰會鹹維王深大義
自帝感深誠僭不同閩蜀忠應擬璫
璫魚鹽資貢獻賦歛異貪饒頌爵宗
藏柘銘勳鼎紀譏雅謳偕衆樂題筆
解民碧小字婆留記飛觥父老咸
錦衣披古樹犀弩肅江帆賜節傳
三世分符秘一函但聞歌緩緩寧復
唱颿颿

真主乘時起降王取次芟榮光生夾馬天象隱牛攬
魏開明珠鏡兵威銷鍊鏡先幾捐國土曠達等荆凡
廟自神皇昉工惟臣抃監龍山飛光巢鳳嶺勢欽嶼
窳堵金塗鑄豐碑玉局剝閔宮經更始畫壁半梅黠
瓦古穿鼈鼈堂虛宿狄獫廡屢縈綉蛟重櫟走秋兔
警蹕鳴鑿玉

天書

寶篆嵌為章昭日月

寵錫煥岑岳柱更靈波杏梁裁孔里櫂雲昆增結構
版築集鋏欵和表鏤文石商庭問紫杉觚稜懸屹屹
藻井影長長左城雙螭結謔唐一鶴鷗神鴉翔翻城
社燕話呢喃曩作能仁宅今如法界嚴花仍開綺陌

芝尚綴香岩想像來朱輦依稀下素綵祠官隆俎豆
典禮秩杯棾駟馬新番曲單僂舊舞衫牲醪羞夏祝
齋宿薦春蠶湖水流容齋松巒鬱劄撝低徊憑吊處
屬語愧誦話

白雲菴

東風先到梵王祠綠盡精籃楊柳枝高塔踈鈴和露
潤深堂小磬出花遲池涵曉月窺心印風約爐香上
鬢絲為語湖頭春事好得閒聊就道人棋

野步

搖策事微吟春風上短襟看花忘路遠聽鳥識山深
石枰供對奕澗水和鳴琴欲傍田家宿青蘿正夕陰
羣亭看桃花

花徑歷留鳴春風白袷輕人尋前度約天放雨餘晴
此水空無着如霞沒亦明餘香歸舸裏送我到重城

柳影

綠水紅橋白板扉春深門巷最依依
隨風力移無定冷抱雲陰濕不飛
湓浦人來懷舊夢灞陵天遠正
斜暉可憐一片迷離裏長向樓頭望客歸

讀宋高宗紀

金鰲背上駕雲航輸與雄心窈窕孃
尺五皂紗閒不

畏媿君着取帝衣裳

誰教此虜得潛逃從此太阿真倒操
學得唐朝李太尉也將膝褲置鞞刀

金字選馳十二牌自甘狹小保江淮
殘山剩水無多

地却把宸居號損齋
風雨青城念故冰天雪窖泪淒涼
年年遣盡通祁使
使只似鸚宮說上皇
相君人已喪宗趙
大將天空生岳劉
如此孱王成底
事前身應不是婆留

寄懷黃雨堂大令

友教

美人辭我去抗手揖青霞
月落前山夕寒梅幾樹花
江雲迷遠日荻水起悲笳
料得琴聲裏還思處士家

夢中作

梅花千萬樹開向白雲岑
赤玉無雙佩瑤華第一簪
簫隨雛鳳下笛作老龍吟
明月盈樽酒同予細細斟
送秦小峴觀察入覲

曉戒龍鸞駕玉輶初持絳節 覲

彤廷薇垣拱極來卿月仙掌高雲護使星海肅飛濤
綏蘭石春隨膏雨澤參苓萬松山色明湖水長共恩
波照眼青

指點雲山淮海祠文章繩武見宗持左司格律中唐
貴玉局風流

聖主知燕雪飛花迎去馬吳雲凝彩上高旗遙知
珠殿頻前席多少蒼生繫

軫思

送人之閩

子去梅花山言經金粟渡白石間青溪是我舊遊路
荔香沁客衣榕露潤芒屨褰裳欲相從明月生秋樹

讀王鎮惡傳

若遇英雄主要要取萬戶侯傳誦本如何入關後一

旦試秦州

可憐丞相孫亦似白浮鳩羣狐搏猛獸何以安諸劉

戢山劉念臺先生祠

戒珠峯下草離：落日蒼茫下桂祠燕雀君臣歌女

日魚羊中酉食人時山中自紹陽明學夢裏仙傳信

國詩最是柳橋橋畔水西洋港碧共清漪松江死門西

于王柳元社死

山行

東風最有情吹綠到蘭渚野桃踈着花碧澗學人語

雲棲寺贈寂上人

琅玕三十萬中有一祇林虎善通僧語花香印佛心
拂雲朝禮塔聽瀑夜鳴琴為語西來意門前江水深
將之皖江愴然成咏率賦一律謝送者

征衫一繫惜華年長向花間悵別筵
火客寧忘平水月浪遊又上皖江船
行囊剩有三灾石生計都無一稜田
且喜溪山供醉眼得閒那復聳吟肩

塘栖見賽神會者

洵美塘栖地推篷坐渺然人家正寒食
簫鼓蕩湖船垂柳牽芳袂飛花綰綺筵
靈旂風旖旎倚棹夕陽邊本倍羣為社
巫風禮變儺廟壇依子集水面麗人多
歸舸競絲管春衣泛綺羅年、元巳節香漲麴塵波

平望

春風送我此停艫紫棟花中叫鶉鴣長水波光連茂
苑洞庭山綠到吳趨明樓少婦當窻坐蠻榼村童就
客沽此去楓橋知不遠鐘聲夜半到船無

晚自和橋至蔣鎮

小艇衝滄江不畏層波簸帆破愛風疎棹任壓橋過
遥看水上村炊烟出冷堽暮色蒼然來且復抱書卧

東壩夜泊

珠斗橫天轉玉繩深村漁火照孤征好峯揖客過江
去春水如愁徹夜生廿載光陰供故紙十年辛苦半
浮名南飛烏鵲知多少都作尋枝作樹聲

黃池道中

舊是鳩茲地人家半水潄斷雲迷楚樹鄉語變吳音

淺渚羣魚集，遙天獨鳥沈。似聞頻歲好，米價賤雙金。

發蕪湖

五兩輕風蓮葉船，篷窓一望水迢迢。南來雲氣連三楚，東去長江洗六朝。估客帆檣迷曲岫，滄波樓閣倚空霄。荆山雀馭無消息，擬采夫容向遠招。

舟中望九華

神龍生九子，嶢嶢頭角別。劫初破胚胎，一行飛星裂。天嬌乘天風，飛出混沌穴。赤燂鍊火雲，鎔鑄鬼國鍊。金繩百萬丈，欲鎖不可掣。渴下飲長江，饒叨森羅列。辟歷一聲中，化行九危岳。掉尾更屈蟠，奮鬣互虬結。稜削延喜圭，圓隋珊瑚玦。澗有軒皇松，峰餘太古雪。仙人下紫霄，雲中駐旌節。綺霞繚繞之，芙蓉亂明滅。

我舟出池口深碧照眸徹只愁風雨來電光露一規
作勢欲上天轟破斷鰲缺

題蜈磯靈澤夫人廟

步障明珠何處尋蛟龍四壁自蕭森中山竟有磨笄
恨天乙原無歸妹心雲近蒼梧吳月冷潮通白帝蜀
江深不堪杜宇飛花候都向稜觚作怨音

謁余忠宣公廟

起輦王綱弛盤院帝運終璘真傳秘密戰鬥亂羣雄
主德珠囊失臣心玉質融名儒兼武畧勁節即殊功
吊古當元代前聞在皖公武威推世胄唐兀數孤忠
科目登巍甲官聯縮半通學能繼徽國詩好擬涪翁
應奉時簪筆分防類剪桐蘭臺方纂史公先史與修虎

帳俄從戎鑿鑿三門外屯田八社中穎川無銳卒唐用

事韋魯郡有孱僮公用韋魯劇賊驅銅馬將軍乘鉄驄

初緣小孤北遂迫大江東地却重岡險城連四面攻

殘民驚喉霍死士慘沙虫信早淮徐絕援知蟻螳窮

危隍環血碧列柵見旗紅賊以紅旗兔已謀曹社人

誰得楚弓嚼齧巡較勇設挾墨尤工一木難支壞干

師忽內訌憑陵摧短堞洒涕向圓穹蒼接何愁狹卷

張更是空方塘看沸池水自融烈與睢陽並悲

如正則同一家憐別下壺諸屬盡滅洪寶奎移燕代

詔文泯煖答笙韵歇興隆故老思遺愛孤墳傍淨宮

靈旂招毅魄殺氣現高虹守不勞鮪素祠應附福童

死公子同我來鮪里下肅拜仰英風野蔬瘞芳若山英

奠鞠窮牲碑苔點點像空桂馮馮岩壁神光迴春秋
祀典宗青陽讀書處翹首問鴻濛

偶題

鳳鏡蕭娘宅鸞箏謝女家一雙紅蛺蝶半畝白桃花
閣小通春水樓高待晚霞朝來遊興減莫問七香車

題張大石耕天女散花圖

切利四禪法界尊顛然一笑下天闍空中自舉非翔
鶴顏如舜華清且敷佩襲薜芷荃蘭蓀以花為骨香
為魂手持二十四風旛吸者為寒噓者溫手自授抄
千億繁鬘陀優鉢辭靈根相從琚珮隨飛翻心根法
塵鏡中痕究竟空色誰孕元非花非女終焉存金粟
仙人澗盤門青蓮九品如龍蹲維摩詰但寂無言非

非非想不可論

江上吟

欲落不落江上雲欲來不來江上雨前波乍接後波
來前舟微聞後舟語前舟後舟看不明波上密歷江
烟生鯉魚風發芙蓉老美人何處玉簫聲

過采石

秋在斜陽江上舩蘆花楓葉釀江烟雁拖帆影雲中
度鴉點螺光鏡裏懸大將頻聞爭采石此山終古屬
青蓮何由携取驚人句一上磯頭吊水仙

晚過蘓州

黃花黃葉作深秋教放青翰向錦流誰唱吳娘離恨
曲瀟灑暮雨過蘓州

茶禪寺

寺門點秋陰深林昨夜雨蕭々夕風生塔鈴獨自語

一雨

一雨生羣綠江雲入夢涼花闌蜂蝶靜麥熟雀鳩忙
野澗添微水前峰澹夕陽小池閒獨步荷葉也聞香

聽琴

衆籟青山寂高絃綠綺調幽人橫膝坐元著自超超
露洗長天月風生大海潮溟々元始意太古真未遥

明月

明月窺疎樹相尋到小窻閒庭交竹栢秋露長籬注
夜永琴心靜涼生酒力降仍憐餘瘦影疎壁裏孤缸

旅秋

落葉一茅廬西風雁到秋
苔痕新舊雨蝸跡短長書
秋老山雲弱涼生竹露疎
空庭香細細黃蕊長文無

怪風行

嘉慶紀元八月朔日溫郡大風災近古所未有
也余時在武林鄉人來以語余作此記之
柔兆執徐月在酉卷石吐芒射牛斗忽然一夜大風
颺驚沙亂飛怪石走此風未來前一日早見神燈海
上出鵝鷓晷語爰居逃黑雲壓城江水溢似為颺母
作先驅父老兒童驚相述果然夜半屏翳號風輪上
與蒼穹高初如鷲嶺獅宮作梵唄潮音震蕩浮提界
颺颺卷籜掃庭除勁竹霜松稊齊下拜繼如昆陽垓
下兵喧逐萬馬橫刷陣雲開壁壘旌旗俱變色毋霸

酣鬥重瞳采天門擊破夔牛鼓帝坐九閭為震怒百
萬龍子騰爪牙吸乾海水向空吐跋烏却走銀蟾死
倏忽百怪生彈指神鞭閃閃裂混沌陰火團團擲空
起巨靈更振驅山鐸轟破高岡倒邱壑騰蹕元冥激
弩來殷雷奮向山脅落飛廉遊戲尤可愕不摧低屋
摧高閣崇垣百丈故依然穿作一孔如刀削揖峯亭
下泊千艇艤舳吹上前山頂鐵綆牽蓬帶石飛折取
長椀如寸莛或言海中有獸名曰狽倒捲金毛逐蛟
走皮骨純以火鍊成吐火好與癡龍鬥元黃戰血汝
自取氓也何不辜不蒙祐但見折棟崩榱歷亂橫萬
口慘呼不聞聲姨孃妻子走相覓南城之屋移北城
長白尚書來東浙昨向城中偶停轍為驅海鯨事金

戈翻使山殫驚玉節藉得短几蒲匍逃尊官老草同

蠓蟻時制府某以勒海盜駐城中行署崩壞察觀太

守不相聞也畏打頭落危稅吁嗟此災古所無事起

倉卒真驚絕哭聲慘沒天為愁但聽喉霍氣先結封

姨封姨吾語汝汝作扶焱力信巨近來海上孫恩徒

敢與官兵相抗拒何不黑風與驅除飄向羅刹鬼國

無人處胡為來此城中游長使吾民心懍恒發信

非古之風只應遠在法岳山中土囊貯

秋桐

秋心三疊譜清商聲逐西風到嶧陽百尺柯高仍蔭

碧半林葉老乍披黃吳宮舊恨遊麋鹿秦苑新愁怨

鳳皇迷鳥羈雌棲處遍娟二涼露欲為霜

紛々閨葉下庭柯瘦盡瓊枝奈爾何一曲壞陵彈玉
壘十番清淚落秋娥石闌點筆新題少書幌分燈觸
緒多尚有淮南遺法在成雲應得擬如羅
繡箔湘簾鎮日飄新涼院宇晚簫一開餘橐鄂聯珠
樹吹老株駒露鳳條溜館聲歌懷百衲江城畫意在
雙橋龍門繁響聽初罷去看漸江八月潮
寒第一夜響西樓無復濃陰玉井頭虛憶有花徵歲
煥頻多滴泪為悲秋挽將銀漢清堪洗舞落金床逝
不留如此蕭森誰領取迂倪池館也生愁
遠憶寒山一徑斜託根猶自蔚丹霞乳巢百結欺雲
子疎雨三更滴豆花宮井曉烟聞短笛吹臺落日
悲笳玉指片楮先期集有客驚心感歲華

龍鸞標格倚蒼岑。唾月推烟冷不禁。霜信是誰知。最
早秋懷為爾感。偏深青桂。非復終葵。樣綠綺。先傳夷
則音刊。盡繁華。蕪密葉。孫枝尚有後凋心。

山齋曉起即事

一望溟濛裏。非風忽有聞。遠泉知夜雨。高樹宿朝雲。
曉色空相合。微聲靜不分。無言長此坐。心似妙香薰。

蟋蟀

一聲來是處。隱隱隔烟莎。暮色人初靜。秋心汝最多。
風詩唐日月。戰鬥宋山河。衰草斜陽裏。王孫奈若何。

病中

夢覺林巒又夕陰。柴門靜掩落花深。山禽偷眼窺靈
藥。茗椀流香上短襟。險語醫能驚鬼胆。高歌詩總禱

仙心鄉思此際更應切不是莊生也越吟

病起

桂巷杉籬靜不譁空庭草色碧交加閒翻棋譜敲楸
局自捲湘簾上畫又七尺羸軀盟野雀三分瘦影夢
寒花牙籤萬軸當窓坐看罷醫家更道家

漫興

又是前峯落照銜蓼花香冷逗秋衫天涯伴侶餘書
簾故里溪山到枕函綠掛籬頭柑乍熟黃垂隴上稻
初芟畫眉聲裏桐江水何日秋風送布帆

晚至友人湖庄

秋山一曲抱溪林水閣紅闌坐夕陰
沒月踈荷雙鷺下微風高柳一蟬吟
飛棋斷著誇銀手橫笛孤吹見

鐵心楊廉夫詩欲傍故人長此住朝朝聽瀑上

西岑

湖上夜聞歌者

綺樓誰作採菱彈未歇歌聲已夜闌一樣芙蓉三十
頃夢鴛央暖夢鷗寒

淨慈寺

塔勢回雲影在池淨慈寺外夕陽寺時殘荷亦是高僧
侶都著西天壞色衣

贈南屏僧

似爾瀟灑意波鷗未是閒將詩呈古佛以意寫寒山
笠影粘雲去鐘聲醉月還南屏峯頂上幾度約同攀
晚度金雞嶺至石角坑

山行不覺晚烟月澹將夕更舍筍輿前忽與前村隔
上嶺效熊攀踰澗等猿擲岩迴勢若催峰危路逾窄
鋒鋌怒相向矛劒森露脊盤辟粟盈肌蹠躩泄在額
難逾蜀道難迫類栢人迫蹶石落空潭哀壑響晴若
湏臾到上層始覺天宇闊四山雲濛濛不辨咫尺
山鬼從文狸出入暗森索棲鶻驚人過離巢飛拍
俯視空嵌間寒星沈水白
上嶺勢如騫下嶺勢如墮萬笏森林立怪石露砢礪
何年皇初平驅之此山左頭角盡嶄然寒雲互交鎖
飛絮擘絲々芙蓉青朶々挺拔愈欽寄位置轉貼妥
足疲不敢登小憇聊命坐忽顧菁林中茅屋露星火
聊為不速客一宿深感荷薄具雞酒歡為言途坎坷

公等從何來無乃困偏跛巉巖傾側中為患測誠巨
感君意拳三顧余懷懼三此際驚初定此身始屬我

夜渡清溪至友人山庄

隨月出蒼嶽與雲渡層灘天寒竹柏深波遠蕙葭短
水搖衆星濕踈帆過緩三漁燈無定炤微光忽續斷
言指梅花林中有瑤華館美人抱朱瑟遲余叶銀管

竹裏

圓洲池村之西有村曰竹裏千畝森簇弥因緣
巖清風颯至狀如偃州余邑中種竹之多無踰
此地者渭川千戶侯殆不足道也係之以詩以

貽居者

萼華仙人騎綠鳳手把琅玕十萬種紺雲一色搖青

空匝地連天密無縫籜龍隊隊從風翺千峯之影隨
低高炎天赤日不知午但見森森碧玉延晴臯銀鏤
管金花紙歲歲山村來成市清供朝參玉版師雲米
夜春薊門士此地真成鸚鵡林居人疑是鳳皇子

贈雨曇上人

道人不作魚山唱只聽空霄鳶霍音半瓊禪燈窺點
鼠一聲粥鼓下幽禽風過岩樹聞天樂波定池蓮悟
佛心瓢衲有時無覓處更携柳櫪入峯深

渡江至揚州

又逐中冷上下潮高天不動楚雲嬌好峯勢向三吳
拱春水聲來萬里遙望裏樓臺餘址固過餘文物盛
南朝蕪城從古多明月試上紅亭聽玉簫

揚州

十里紅橋記舊游紫簫聲裏是揚州
梅花萬朵交瓊樹明月三分冷
玉鈎騎雀仙人勞夢想錦帆天子自
風流垂楊垂柳知多少只繫征衫不繫愁

擬玉溪生可歎二首

水晶簾幙玉闌干珠斛招涼犀辟寒禽獻九十平雙
雉雁春衫千二百鴛鴦石家自碎珊瑚樹內府休奇
瑪瑙盤火剝冰絲無着處更教三服進齊官
垂柳修眉小店腮桃根桃葉亦瑤胎嬉春袞檻名如
意璧月流房號兀該紫鳳珮中蕭史下青蓮花裏令
公東碧城十二雙棲穩誰信中霄坼上台

項王墓下作

項王遺墓倚寒臯猶是西風作怒號地上空憐撞玉
斗天心無奈屬金刀美人駿馬生猶戀縱酒悲歌死
亦豪魯國諸生真不負穀城時與奠香醪

舊縣道中

頽岡如斷谷石腹徑穿之露重馬蹄滑春寒鸝語遲
青山才子冢黃石隱居祠獨自松扉下披蘿讀古碑

南沙河

舊曾遊處記前年深樹人家又夕烟柳絮浮踪風剪
剪梨花短夢月娟娟平原晚息耕田馬古渡晴喧散
市船博得新愁千萬斛長途更與壓吟羈韉

白溝河

秋聲落白河匹馬河上過天地孤營大英雄故鬼多

艸青歸戰血主碧沒瑯戈日暮風塵合如聞勅勅歌

易水

易水悲歌日白衣祖送時荆卿有所待何不共漸離

黃金臺

燕昭開國日高築黃金臺至今天下士猶向此地來

晤洪鏡心同年知徐大偉棲隱學道作此寄之

菊姪峯上結瓜廬勾曲星灣盡不如塵世功名拋日

月名山天地寵樵漁琴橫磴石邀禪客花落繩床讀

道書最羨松頭雙白雀得閒伴爾共幽居

古歌

其雨其雨傷我稷黍雨多泥濁吾行却曲有鶴如鶩
有驥如牛驥非如牛逝不以駕伯樂願之泣數行下

北海波深南山石爛征途險巖鹽車漉汗祝劬祝劬
更相追逐迷陽迷陽毋傷吾行

別周八耿堂

繼灼

明星一丈高煌煌天欲曙驪駒正在門言將別君去
又此少住時相願聊與語憶我少年日薄遊到京華
出門無所詣動即詣君家君家西城曲門前椿樹綠
論古畫鈔書耽詩夜刺燭君有從父兄新自滇南回
視我如少弟愛我勝同懷我既不得志日與君偕
偕君遊槐市別君歸蘭芷江公宗十八盤長江千里
山水阻且深懷君不能已南歸八閩嬉東向三吳遊
三吳亦何樂願失我同儔今年良可喜驅馬過易水
聊復偕計吏作計尋吾子行々薄笨車遥々望君閣

君問猶如故綠樹長扶疎童僕亦喜客進酒剪春蔬
吟如同聲鳥游如同隊魚如何雙翔鸞朝共鍛羽君
仍四侯學瑤枝列講字我且萬羅歸菊華憶故圃萍
踪有時聯雲踪無常聚憶君難為心別君何以任芍
藥芳洲晚夫容江水深南鳥無愉響北雁有哀音遲
君數寄書願君勞力飯永懷同岑苔勿復慮途遠

汶上歸途作

一年一萬里征馬為余愁避地張融屋依人王粲樓
鄉心悲逐雁瘦骨畏逢秋不解清冷水猶然向北流

竹隱庵

竹露融佛心松濤入梵響僧廬翠微間岩壑自幽廠
老鶴時一鳴雲中孤月上欲從遠公游超々天際想

夜起

欲落不落月依依將曉未曉有餘暉開忽驚老鶴睡
起翻松露滴人衣耿耿雙星橫銀漢寂寂一蛩語
岩扉涼夜抱影不成夢且拂白石理朱徽

湖樓有懷

一倚湖樓思渺然湘簾孤捲暮山烟經風菡萏紅初
褪得雨梧桐碧可憐題壁客來猿徑外悲秋人在雁
聲先故園亦有幽岩桂不見花開已六年

種梅戲學隨園老人體

綠枳疎籬薜荔牆多生修得近孤芳枝分大庾嶺頭
白種乞含章殿裏黃乍傍鴛池波便韻纔携鴉嘴土
先香前身我是羅浮客也要煩卿作盃光

為爾偏勞自在身，短檐預作數迴巡。
竹如含笑迎同伴，雪等飛花尚幾旬。
荀令初來香滿座，江飛地一到屋生春。
枝南枝北都如畫，吐萼誰先娛主人。

東友人湖上

鏡裏清山落玉臺，武林山色對窓開。
東風解凍花初放，春水方生燕爾來。
遲日好修靈運屐，薄寒宜醉李膺杯。
故人且在湖頭住，為約扁舟共溯洄。

種山越王臺文種墓處

石稜高築鏡湖隈，烏喙當年杖策來。
麋鹿曾看游響屐，枝頭鷓鴣也復上。
空臺竇鵲詩曰暮東風春草書成越絕謀真狡，劔賜湛盧事可哀。
苦竹城邊閒眺望

越苦竹城在山陰南東風一例野棠開

百步

水向孤村繞村中住幾家
文蛾飛帶葉小鳥集鳴沙
游女臨波鏡歸樵採藥花
野人知卜築門對赤城霞
望天台未得上
霞色臨金地仙靈殊域開
高蓮明玉闕仙鳥下瑤臺
塔影侵雲上鐘聲渡水來
桃花應笑我未敢宿天台

方正學祠

燕子高飛日皇孫歷運終
一生法周禮十族為元公
龍隱荒山外鶻啼野廟中
侯城猶有錄流恨大江東
陶貞白故宅
冠不妨掛神武門但願高巖大澤離塵喧屢不曾上
淨居殿但聽松風謾足清宴先生舊向華陽居有

時踪跡來南徐何年東渡漸江水愛此山色為結廬
委羽如鳳連蓋竹此間何必遜勾曲南瞻安固玩白
雲東向勾章祀阿育玉匱七曜搜元真方瞳耿耿明
秋旻藏得竒書惟洞府能耽著述即仙人老霍高騫
雲漢上青龍飛後玉棺葬不見山家小兒攘臂登昭
陽蘭陵老子空惆悵青袍白馬壽陽來蕭々愁殺山
中相

鄭廣文故宅

柿葉晝陰陰中有司戶宅彷彿慈恩居老屋貯紺碧
先生逸者流本自餐霞客交友得杜蘇設兵妙韓白
軍防錄天寶典該無遺策漁陽鼙鼓來事勢當艱厄
稱風辭偽命足以明心迹明時設廣文不惜一官擲

豈有恬澹人而甘於從逆凝碧傷心詩維也得辨釋
何況靈武表潛達表忠赤目論始厲儒往往事苛責
終讓三絕才千秋光典籍

自永嘉泛舟遊仙巖縱觀梅雨潭

小艇大如床恰受一人坐風日既夷猶晴波復婀娜
四顧斗山蒼急似弩激竒了了指濃嵐超々越澹沈
寺門畧約橫言憇木蘭枕僧房竹雲間佛舍飛泉左
盟啗微徑荒盤仄石磴夥一僧嬾於雲導我游偏果
驚起青鳧飛踏破蘚花驛太乙洞中蓮此間露一朶
向都未之見乃為雲所畏已有漫々聲半空落竒峩
梅雨無時烟林日々洗輕從蒼嶽上洒落黝雲底我
語山僧語瀑聲澗聲裡氣涼得秋心音幽滌俗耳徘徊

細小勾留前山月上矣天風吹空林衆綠浮如水

野泛

野風無定樹野渡更孤舟山靜抱溪轉崖開讓水流
涼魚多傍石踈樹不依樓瘦客如桐葉蒼涼易感秋

孤嶼謁文卓二公祠

荒祠對峙大江中山木蕭蕭落葉空壁馬不能延孺
子風雷何事與姬公黃冠緇衲情懷別厓海金川憤
恨同老佛合尊禪定後也將遺廟傍珠宮
秋江獨立吊斜暉白雁飛餘燕子飛設鎮尚堪回敗
局移封其奈失先機百年世事天光換一樣孤臣雪
涕揮省識神靈無限意只應為薦首陽薇

蕉雨巖

颯颯青空雨天風下石梁泉飛過鳥濕巖仄就魚梁
日月沈虛閣溪山入釣航蘋花寒不采一半作秋香
登揖峯亭與諸弟輩同作

寒臯落木野茫茫江上空亭囓大荒黃蘆極浦皆秋
水紅樹層山戀夕陽人共封胡兼羯末天環台雁接
明蒼登臨無限淒清意誰采芙蓉問楚狂

青田訪端木子彝

山城纔半面臨水似高隄明月招孤雀梅花寒一溪
雨餘星瀨響雲落石帆但欲向仙都去新詩共爾題

此

也

也

也

也

Faint vertical text columns within a blue border, likely bleed-through from the reverse side of the page.

味義根齋待刪草

下

泰順董正揚眉伯

鄒平道中

客先山鳥起微霜在馬背孤月低隨人明星澹相對
人語寂不聞但覺鈴聲碎

魚山懷曾子建

魚山尚有梵歌傳慷慨如聞白馬篇當壁倘承曹氏
後膺苗肯改漢家天姬文樹國淒涼日舜禹登壇痛
哭年祇事陽秋稱史筆不將衷曲悟前賢

魏文受禪子建改服痛哭孫盛譏之

樓桑村

千載粉榆漢社終尚傳一樹影童童蛟龍雲雨飛騰
後羽葆村墟想像中下里也堪追宛洛使君究竟是

英雄淒涼白帝宣遺詔不及歸來咏大風

日落扶桑剩一株中興赤伏叶靈符熊羆將帥同鄉

曲魚水君臣茂魏吳尚憶三軍屯小沛異苑漢興年

沛先主此為糧小尤憐八百種成都阿瞞也有西陵樹

齒冷人間石馬齒

豐臺看芍藥

姑射丰神最可憐芳名早向六經傳餘容合殿重三

日芍藥一名絕艷能香尺五天紅繭粟垂金簌簾綠

盤龍舞玉嬋娟担頭都把春光買雙鳳城插綺筵

舊說揚州卅品裁而今那敵遠風臺吟成日下皆仙

格畱得春光是相才人惜風流頻折贈天教醞釀得

遲開軟紅十丈東風裏說與香車緩緩來

寓齋芍藥放萼較遲重賦

釵砌親曾種一枝韶光何必異豐宜偏過語燕鳴鳩
候始見含嬌破萼時宰相有才多晚達美人將出故
舒遲東風等是承恩澤醞釀深醇不自知
憐他小字是將離不惜春穠分外遲頻見担頭千百
朵纔開塔上兩三枝都從禁掖爭先達有約東風獨
後期幸是娉婷搖落晚此懷說與蝶魂知

初夏九日作

晚風吹雨上烟莎無計留芳奈爾何又是一番春事
了杜鵑聲裡落花多

讀梁書

貞白端陽著短篇寶公太極語堪憐蘭陵老子金甌

缺愁殺當時佛與仙
末路英雄最可憐
此身誰與贖金錢
前因自是禪家
客五百年中忍辱仙

讀漢藝文志

祖龍一火竟冥冥
又見斯文重漢廷
伏氏尚書河內
禮美人都是解傳經

久客懷歸作山村雜憶十首

無諸開國後遺俗
自閩南水落仙人掌

二丈許每春秋暴漲即衝波作搖手狀擬雁雲飛君

子潭在池栽花除鞠虎
謂之仙人掌也

繅如蠶狀黃碧相間其光爛然却人取以醋浸之

上溪亭望山山碧玉簪

秧碧

澗流多曲折一石即為橋夜月村鐘曲春林畚女樵

溪魚能上樹水仙陵及取鳥潭有之四足如鮮能上樹舍

本草蓋山鬼解吹簫深如夢中時見之吹笛好景仙陵近

誰將健筆描

百丈清溪口雙蓬大壘船一舟穿石腹諸水合山泉

估客來閩國篙師出長年嚴公洋在望沽酒夕亭邊

麥黃纜刈後竹秧碧玳乍生時澗有桃花蛤林喧果子狸

松燈明板屋竹玳響山祠野老多真意香航為客炊

兩峰尖似削奇秀是風門臘酒烹雞茵新篁掘竹豚

風門山多生雞茵及竹豚甚肥美棧香榧穀紙硯色割

雲根與百端石嶺殆有不可辨特質理稍堅耳尚有龍湏席

桃笙未足論

石角坑邊去深林又一鄉蕨根澄粉嫩楠木種菰香

以香菰糯獨種之楠木冶鏡飛星火栽藍擣蠟房靛粉青非蠟

遺文誇絕險更與說牙洋牙明史列基傳山冠出沒于

處交界

八九杉皮屋人家一望中銅鉦朝逐虎木棧夜當熊

之設木為棧壘石以誘熊謂野菽鋤紅葉藥缸柚榨白

桐葉山茶最好不數紫雲濛

野老村心會釀錢為夏雪祈年鳴魯鼓賽社學齋等

古寺迎羅老山縣為古湯羅陽鄉龍護見三國吳志曰羅

村坦禮靖姑縣志樓霞宮祀陳夫也事蓋閩夫十國也

秋陳守元女弟為陳靖姑始有術曾誅白蛇妖閩主

姑辭讓封順懿夫乃食賜宮人三百戶以一人為弟子舍人靖

歲逃居海上不知所終其人所傳遇餒姬發篋飯飯後之

鉢

遂授以秘籙符篆驅使五丁鞭笞百鬼及斬白蛇為
三蛇化為三女子云皆與俗說夫人靈跡相符
則最神為靖姑無疑也
志最疏畧不足觀也
花間簪筆立醉舞看鄉巫

亦有深岩裏依山只一家碓槽春野菽錦襖脫官蛙

砂鉢脚丁草春畦指甲花籬門長不設幽室入黃麋

第一捺邊水平溪此合流豐穰馮豕骨晴雨卜龍湫

黃葉烟中寺斜陽竹外樓家山風景好那不憶歸舟

題王文成集

姚江勳跡自巍然勝國人才孰比肩吳楚偏師擒老

漢崑崙一鼓靖蠻天品經聖斷無遺議集大紀可文

聖祖仁皇帝語謂學繼良知本正傳下士紛紛評泊

者也守仁之學大似孟子將多口效中涓

和人鄴中懷古

龍來只井伯苗空寂寞西陵落照紅
割據三分供典
午文章千古屬英雄銅臺舊跡留殘雅
漳水波聲蕩
故宮一代典章傳九錫可憐祖述到南中

秋日作

歷歷秋星見白榆涼風昨夜到庭隅
桐珠亂落過松
鼠菱葉齊開戲錦鳧客裏書雲同脉
望天涯花發又
文無他鄉虛作歸來想行盡江南聽賣鱸

愁蟬

柳梢雨歇正微風忽聆脩脩小院東
秋樹有聲先蟋
蟀美人無語倚梧桐蕭疎鬢影生涼
後寂寞歷琴心短
夢中流水斜陽望不定阿誰似汝苦吟工

晚坐

孤月上青蘿秋聲此夕多寒花踈冷蝶夜燭引文蛾
客久嫌鄉夢身閒養睡魔無人作醉答彈鋏自高歌

宋徽宗畫鷹

扶雲健翮露精靈素踈纔開殺氣腥杜宇自啼天水
碧秋風更寫海東青紇干烏鵲無生樂救勒牛羊有
涕零不見活羅遼水上稱兵也為覓霜翎

活羅鳥名見金史
時人以比金主

題程漱泉同年伏生授經畝

端門簪筆丹虹走夜半陳經向北斗早知一炬防咸
陽天先為生濟南叟此叟腹裡蟠蛟龍火燒不到藏
書冑姚似商周神所守豈與金鏡俱銷鑠赤帝子有
三章署丞相僅收畝籍去又見餘火焚阿房長思灑
涕無逃處右文之主開明堂遺籍重求遣奉常有腹

真如孔鮒璧有身真如魯靈光二十八篇細細授一
女嫣然侍左右天教傳經藉美人和伯少卿同不朽
程君待詔承明廬下筆寫生如可呼穎川掌故操簡
策刻深之貌何清矐想見齊語相答述登來化我交
吁喁君不見大航頭傳廿八字後儒紛々辨不止百
兩已曾作奇書三墳更復託形似生也所習無卅篇
簡貴已盡聖賢旨草元亭中人言尚書渾渾噩噩
爾

清曉

抱影難為夢疎更攪獨醒推窓遲曉日擁被落殘星
破壁延虛白孤缸裊細青嬌鶯第一轉早向枕函聽

感興

偶題趁扶搖得上升稱名猶是草茅仍一場好夢藏

蕉鹿十稔功夫穴紙蠅差喜秋風拋白紵羞將春宴

說紅綾故園昨夜音書到更道桃花是異徵家弟季

以去冬家園桃花盛開為予得第之兆

鳥入雲霄上更難搏風豈是惜修翰望雲有泪揮游

子說法無心聽宰官不鵲不烏奚品目呼牛呼馬任

譏調只餘一事誇同輩獻策先經到

紫檀余于庚戌歲曾與

此身幸少歇塵勞暫學漁師把釣篙鸞閣閒情賦二

鳥鹿城風味憶雙螯科名翻使貧增累品格都緣嬾

畧高不是蓬山真個遠難將俗骨到仙曹

同日

明光聽九韶群公一一上丹霄歸鴻且自修回翮病
柳何因解折腰燕市人猶傳夏課津門舡好逐秋潮
區區升斗非吾願厭說銓期計未遥

天津冊次

蘼蕪香裏放船過楊柳青青入棹歌碣石潮通天析
木中條氣壓古黃河南來遼海雲杭集址至吳航估
客多射雉牧豬均寂寞漢家遺蹟剩烟波

濟寧登太白樓用元美韻

不見騎鯨客仍傳載酒樓偶然成一個此地已千秋
濟水無終極匡雲不可留風塵經過者誰是季真儔

南旺夜泊

野渡蒼茫古驛秋戴村東畔獨勾留人隨魚鵲思南

下水劃魚龍更吐流徹夜泉聲常在耳一天月色正
當頭蜀山雲樹沙灣外一樣清宵共客愁

守牖

似此鴻溝畫寧從馬足煩沈冥拚白墮風雨又黃昏
舟子枕帆睡村官得錫尊馬天妒歸鳥故故向人喧

放牖

耳際銅鈺響今朝喜可知篙聲齊點岸桅影忽登旗
莫更當闕阻休嫌出牖遲心籌到家日正及早梅時

玉陽道院

羣峰如畫列疎櫺午夜仙壇會百靈江雨欲來潮自
白山雲不動石長青洞霄深悶神樓籍天漢遥臨上
將星祠祀文昌欲把芙蓉招白鶴玉闌干外聽談經

過河干舊居感賦

一徑芙蓉小巷深
槿籬寂寞閉秋陰
烟含碧鎖縈新
蟻草長紅闌墮
門禽佛劫仙塵
原似夢吳雲
越雨奈傷心
他生采卜能如願
腸斷當時玉笛音

蘓溪

清溪行不盡
忽復過前灣
古渡斜陽外
孤村落木間
鳥聲隨野舫
樵語下秋山
岩際何人住
桐陰獨閉關

桂峰

無數前山叫畫眉
桂峯村裏夕陽時
石橋流水如蒼
玉半畝荷花祭酒祠

峯前峯後兩三家
寂寂幽宮水一涯
知否羊曇搖馬
策西風吹泪上蓮花

桂峯前山名蓮花峯
舅氏歲青先生居此
殯宮在焉

游莒岡之龍潭

樵跡所不到神天閔竒境不啻入山來峯轉得奇好游騁
圓石凹為潭大不踰一頃懸流下高天仰矚勞引領
側注等窪尊不鑿同浪井斫盡此山藤未足當修綆
試以巨石投餘響振岡嶺羣魚作隊來斜斜復整整
重碧迷溱莎纖紅亂菱苻碩厖擬獅廬修削摹鳳頸
跳波初見鱗戢水忽沒影幻化疑蛟龍眼光射孤岡
不敢罩以罾誰能采厥皿其旁有石室天構逾黝靜
將水織成簾以雲幻為屏紅岩白間蒼苔繚若篆文
炳仙人之所居百靈此覲省一到俗靜捐坐以重裘
冷此游洵竒絕他樂不敢請

夏丈

擣

飲我以七十三年陳酒色縹碧而甘芳

溢口雍正八年物也對飲之際雜感紛來為賦
長歌

世間無物不可壽不曾數到甕中酒何來醺醪經過
七十三回春閻浮提界得未有一飲能生太古心百
杯宜入仙人口滿筵法物陳琳瑯翻使雞缸定甕退
向後把盞細斟不敢意草草沒紅芳氣醞龍酥滲
碧清光剖鳳腦瑤僂仗晤巢元修甲子剛符絳縣老
君真好客如鄭莊不惜開甕遣我嘗咲指門前百尺
高松長先人當日栽松并釀酒此松數寸含青蒼感
君意為君羨我生作客如秋燕南窮閩海北畿甸滄
州紅毛取次斟芳時屢預探春宴何嘗見歡伯得逾
古稀年坐令白墮杜康列名耆舊傳只憶年少結縞

辰青廬薄醉梨花春

予初娶于潘故戚也外曰飲以十八

只今老大長風塵十年跡踪錢江濱歸來簾幙悄垂

地不見當時合歡人欲破愁城更一酌不辭茗芋碧

如畢卓話到憲皇御極年太平風景村村樂醉倒扶

我團雲眠

團雲名夏大齋

詰朝莫向甕邊捉

再疊前韻

世上何物可介壽欲得成仙但飲酒何況此酒已自

壽如人祇應南極宮中有天上星旗俟到筵海中紅

霞吞滿口西域十年不足奇

西域蒲桃酒可貯十年見博物志

中山千日羞

牛後新筍不數胡蔓草鸕杓纔持香入腦君家釀此

君未生君今飲我君已老酒人齊集雲溪莊齊指銀

瓶咲索嘗我如坡老初不能飲一蕉葉是日忽如鯨

吸長川長但覺酒氣拂拂從十指尖出題詩似欲凌
穹蒼主人有黍萬石羨綠野提壺騎紫燕曾見郢筒
自蜀中也聞樹椽來尋句我昨初自長安回嬉春幸
與曲江宴此酒真與玉樽同可惜無人為作釀人傳
修禊正當看花辰鶯聲蝶影嬌上春十里香波漲麴
塵靈芝寺側蓮池濱客愁一掃空如洗對飲不殊永
和人主賓俱醉無筭爵破靴朝天冠倒卓醉用候中句似
携何胤周磐作清游此新相知樂莫樂更上前山看
龍潭有月好向水中捉龍潭在夏丈所居前山

雨止

雨止溪亭曲波光碧四圍灘聲驅石走山勢挾雲飛
翼濕任鴉重花明遠樹稀相逢樵子舍借得綠簑歸

訊友人

刑

閒爾幽居錦水源垂楊垂柳自成村携琴若也相過
訪一路花開直到門

題桃花燕子畫扇

掠破輕紅燕剪低一枝絳雪藥初齊阿儂曾記江南

路鶯脰湖東琴水西

春陰漠漠繡簾斜染得檀雲上絳紗好為美人留小
影漢宮燕、楚宮花

溫溪舟晚

身似蘆中叟終朝在水鄉猿聲四山合鷺影一溪涼
微月登篷背歸雲落碓床菱歌來處處此地即滄浪
同子彝泛舟溫溪

永嘉好山水登臨說謝公古人如可作將無我輩同
春水初生時輕舸信微風言辭大江去忽與清溪通
回首看孤嶼烟雲亂空濛滄波一似眺浦淑何冲融
溪光界樹色濯碧交青蔥白鷺起沙際翩々下釣篷
鳴榔者誰子得非涪上翁清極不可說但覺心性空
水性靜而止云何有漣漪竒紋交羅縠微風澹沒之
水則為風動風非為水來當其未波時漣漪安所施
終且作波根從風蕩亦宜斜陽下遠瀨金碧相交輝
是日色所照抑水光所為水光與日色問之兩不知
得無我眼界為爾亂迷離我眼見如此君眼見或非
究竟空中色本來無定姿虛妙圓明中見性總如斯
君其持此理叅之點々師

泊桐廬

泊舟桐江上望古懷桐君君不可見惟見桐江雲江
雲何漠漠人家桐江脚碧依林為城青借溪當郭溪
郭似鏡平一半紫荷生魚在香中戲人在畫中行行
過桐江上月上桐江水短笛江上來處菱歌起起
菱歌亦有辭相送桐江湄莫便明朝便莫發同聲聽畫眉

山庄夏日

青山舊有廬閒共老農居衣曳含風葛林拋引睡書
樹深迷過鳥荷密礙游魚聽瀑西岑曲匡君也不如

宿箬嶺

籃輿詰曲繞山行一宿山家百感生倚壁松枯偏月
色穿籬竹破易秋聲紅侵屋角燐光動綠過峯腰虎

館
徑與白雲齊一石為橋過
茅屋幾家秋水外好山數點
陽西野棹初熟猿將子澗草
看鹿引麝最是村翁能好客

眼

明見是如夕此所何夕幾迴愁不寐征人何苦事長征

山行至智果庵

衆山天半純為石石轉山迴路欲無忽睹精藍臨石
上起尋踈磬到山隅僧眠蘿月雙膝靜佛對秋燈一
塔孤乞與懶殘燒芋食飽看林色卧青芙

江夜

白蘋花落半江秋碧玉無聲自在流數點遠燈明不
定夜深風雨盪漁舟

平陽江上

一帆峯際出始識此江源群木含秋氣霜蘆驗漲痕
馬馳沙怒語潮響石平吞細數歸鴉過微陽下遠村

次日至錢倉舟中作

流水寒人影孤雲感客心一舟橫古渡落日事微吟
風竹無停響霜鴻有別音蒼涼生暮色天際奈輕陰

偶作

一編儒志開濂洛八面詞鋒括漢唐誰使先賢講學
地小鄒魯變小蘇杭

空齋

空齋一枕黑甜鄉夢覺梅花落破牀全無事可酌人
願未得官猶遂我狂農圃閒談皆學問英雄不朽豈
文章只憑詩與消岑寂莫計浮名異日償

永安湖

九十九芙蓉影垂雙鏡空繭烟春水外海色石帆東
柳渚藏魚舍蕉絲落釣筒西湖嫌近市未抵此山中

明月生滄海光先此地來
高人鸞鶴集舊曲鷓鴣哀
白塔靈胥廟青山願况
臺數家籬竹裡時見一枝梅

伯牙琴臺

到耳水泠泠扁舟此暫停
携琴大海上彈與老龍聽
月落空臺白潮來絕島青
鍾期如可作我亦向滄溟
張大秋槎招同魯雲峰
孝廉繆秋浦明經遊張

氏涉園

園為國初張黃門別業在烏夜村旁

何處烏啼夜月邨相從
篤徑涉芳園秋林半是前朝
樹佳客同開此夕樽清妙
詩宜題白石風流人尚說
黃門誰家剩有亭臺在
看得名花到子孫

國初諸老自風流曾共吟
水上樓壁間有吳村龔芝
解組真為大自在書楹
正似小勾留楹諸人詩
書小勾留范忠貞

西湖上嶼城烟雨園中貯半羅鶯花望裏收更有漁
書額也 洋遺墨在多黃門與漁洋唱和詩頗惜無為人作隻鈞

題子葵太雀山房集

太雀山何高窅星水何澳文成公以來斯文鮮雄鷲
峩峩湘岩君韓介圭驥足欲追蹈才筆貌左莊形肖
神則耗吾友子葵子異境自闢鑿威鳳一騫鳴百鳥
失翔噪胷中三萬字秦火所不到風雨入其腸乾坤
隘覆燾劃然出筆端采入鬼神奧旁搜及竒骸遙溯
窮墳誥麗則少陵歌魚雅唱黎操如禾種出土如鳥
卵脫苞雄若摩天劍逸若當風纛朗若明堂珠古若
上宗瑁采若錯鷗冠甘若和劔笔聯若列岩城分若
列畿相無射鑄於周大鼎取自郃巨海迴鯤鯨洪流

絕鱸鱠瞿曇笑拈花老聃聽踞竈我疑帝靈文上清
秘壺奧六丁守不得乃為妙手盜莊嚴隨長恩竒譎
釋寶眊沒極味斯腹愛窮意轉媚譬如哺飢餐酸鹹
得嗜好不意正始音子也儼然造俗子媚於辭卑靡
殊可掉刻畫無鹽姿修飾石娘老花鈿滿面裝一例
好嬉到欲以短褐猶而鄰織與縞織兒自標榜相和
驚羣譟嗟子圭壁身頻年困席帽人作火馬迎子甘
溪禽嫖俗樂進綠幢雅舞失鳳翽終期別寶人鴻名
為子報雲龍欲追從鷗鷗異遲趨高吟二鬼詩與子
斗酒勞

題杭州所居

歲月真同赴壑蛇錢江十載作浮家庚申老檻翻紅

藥甲乙新泉煮
白沙得句甘於
傾竹葉看山忙似踏
槐花故鄉人到
魏相女語詵是羊權
夢綠華

湖上晚歸

物得花枝插錦鞵
斷東畔水亭邊
柳陰人繫鬪泥艇
荷徑僧搖盞飯船
古寺鐘聲催暮色
夕陽樓影浸湖
烟歸來携取清溪石
供向雲窩伴醉眠

聞鶻

葵子花開蓮葉稀
東風寂寂掩岩扉
杜鵑也是空饒
舌那見行人為爾歸

含山道人

含山道人名黃雀
瘦骨稜一足胷中琅簡太古書
腕應洞霄紫雲曲
吟山長愛住山中
銅鉢一聲山光

緣子午泉水芭蕉池供爾滌硯澆青芝醉抱榴皮書

四壁彷彿仙踪下降四時哈山人居三元妙觀相傳

東海節婦歌

之卒不愈

節婦周氏夫為蛇傷婦以口吮其瘡中盡幾殆夫後病穿左頰婦口哺

東海之海清且濶翁洲之山環其右山海誰與共不
朽古之孝婦今節媿憶昔高門事君舅青廬初結鴛
央偶妾比明珠郎璫玖比翼天長與地久妾心自甘
執箕帚妾分自宜操井臼可憐厄運等陽火不能為
居只離咎蓁者蛇虺其醜以肱擊之傷厥肘醫師
倉皇驚且走不惜碎身吮以口含辛在心痛在首餘
生幸免櫬載輒餘毒終成頰生柳欲咽哈呀不可受
以身為杖口為手寡鵲究竟悲華娃壽萱誰為奉慈

母妾身分明幸有後忍死湏臾以相守古井之波亦
何有譬若直木不可揉白璧瑩信無垢黃泉旦
洵不負得養尊嫜終眉壽終見佳句綰組綬棹楔輝
煌光海篋懷清之臺崇岡阜

花塢在澗庵訪願叟

叟海寧人棄家學道居花塢中十餘年足不出
戶年七十餘矣隆冬大寒科首赤腳布衲繩床
外一無所有與之語多言養生事蓋類有道者
蕭上風葉裏添得一蟬吟萬竹人家遠九溪秋水深
高雲耽雀性古木見山心織罷蘆簾住難為俗客尋
小庵名在澗避俗此餐霞元牝通仙籍名山近法華
心情空古月世事冷梅花深谷十年住何曾一到家

雨步自花塢至古蕩

野風吹落木兼雨更蕩簫。一夜隨溪流過第幾
橋。亂雲爭石罅歸鳥沒山腰。獨步平蕪晚前村酒旆

野廟

鎮日柴門澁不開。一雙盃玳卧秋苔。眼中香火誰供
奉。只有歸鴉夕夕來。

梁氏水亭

誰家亭子倚滄浪。蘋葉蓮根自在香。與月相邀宜綠
水。看山最好是斜陽。老楓經雨欺花艷。衰柳先秋似
菊黃。九曲紅欄人獨立。一聲長笛楚雲涼。

重游涉園

偶隨琴鶴在官衙。又到城南處士家。小鳥頻窺前度

客寒梅仍作去年花重憐好友能同調細看青山未
有涯坐久莫愁歸路晚海天明月伴霜華

張果墓

衰草連寒岡斜陽下枯樹上有古碑存仙者張果墓
莫問丹陵事開元跡亦稀黃昏墓下過惟有蝙蝠飛

鷹窠頂望海

剛

獨向雲間立馬看一痕海色上眉端乾坤眼底元黃
色日月波中赤白丸老鱷翻波斜照紫恠禽呼樹大
風寒靈芝一曲歌初罷日暮龍宮漾碧瀾

放歌行

山中人不信有魚大如木海上人不信有木大如魚
夏蟲語冰蟬語雪一邱之路同拘墟男兒學書兼學

劍胷中蛟龍生百變千管禿盡銀兔毫廿年磨凹紫
石硯坵走冰天雪窖之郊畿南窮炎海火洲之林甸
題詩直到紫極峯獻策屢上明光殿紆迴州里遭呵
罵棄置直與土苴賤嗚呼棄置直與土苴賤我今語
君且歡怵不見杜陵野老真仙人讀書萬卷筆有神
疲驢破帽長安道殘杯冷炙空酸辛

我欲上山劇黃獨白雲冥冥生空谷朝耕瑤草呼蒼
龍夜朝玉京騎白鹿明星晢晢朱華天虎豹守闕鹿
不前成仙尚隔一塵遠白日蒼茫芙蓉晚

臣里之子盛容光意態閒雅椒蘭芳佩者伊何明月
璫襲者伊何翡翠裳彈箏挾瑟聲琅琅前堂後戶羅
酒漿客成之術真渺茫不見壽者東家王

靈書八會帝所私玉券十華神所治羽陵宛委白雲
睡鴻朗八百無從窺一旦長思守不得天公令我為
專司龍漢延康生民基瑤函雲笈太古詞一卷冰雪
手自携下士聞道大笑之

鶴膝犀渠懷利器安事毛錐作遊戲殺人即有活人
功鑄鍊仍聞截鍊利朔風蕭蕭吹大地大將登壇揮
如意

獨上燕然勒新銘或從闕與拔赤幟百萬豺豨陰山
足白雲骷髏作人哭歸來凱飲天子前自翻競病作
新曲廟堂無事太平時汝非衛霍空復為
歸去來兮羅山之下駕不必有下澤車騎不必有款
段馬禾麥芄芄羅之野一犁春雨把鴉鉏三分明月

傾螺倅悠々古人不我聞世上誰堪共語者

漢居巢侯劉般玉章歌

桂樹不華爵巢顛武功白石文鈎連赤帝之宗厄十
世皇孫瑣尾來窮邊上隴武威屈絕域死生那可必
間闕兵草事詩書敢望纍々膺高秩天水既平赤伏
興四七之際炎光承自剪桐圭賜周召更分寶玉榮
曹滕菑邱遂奉孝王祀經學修明天宗子杼秋重徙
封廬江典冊高文詔太史遂教白玉琢藍田刻作居
巢侯國字漢代私印流傳多此印不與河山磨千年
土花蝕不得往々似有神搗呵入夜寶光徹秋是古
色駁滢青華斂其徑四寸厚半寸上有上獨角高騏麟
出日深爪物頸脰回顧厥子何振々羸形蠱尾法斯

籀將作大匠錫懿親想見佩組陪播珽蒲穀躬桓光
炯炯雕鏡應是昆吾刀篆法遠過汾川鼎當時肺腑
禮數尊輿服光麗鴻都門為諸師冠屬國式法高光
諸子孫我生好古無所有此印乃幸落吾手重是漢
家法制存况兼至德真吾友興來一日三摩抄不數
金印大如斗吁嗟般也行義今所無更復後嗣克讓
光東都不見國師歎也徒宗室任莽胡為乎乃知般
也真丈夫嗚呼乃知般也真丈夫

贈顧金粟鍊師

蒼松非大年黃金非至寶古色上須糜孤月入懷抱
獨采商山芝長歌笑四皓高卧蓬華廬不識長安道

寄懷子葵

太霍山民瘦似鶴青田
霍恐是前身著書自抱千秋
業論古豈為第一人
江上芙蓉愁薄暮洲邊杜若惜
殘春晴窓剩有新詩句
誰向空山共究陳

嘉興道中

范蠡湖邊路蒼茫水四圍
孤花為客媚獨鳥背船飛
塔白知城近山青到郭稀
彎彎歌月子霍渚又斜暉

金山寺

波光四合鬱蒼々浮玉山圍水一方
高塔疑從雲裡見好風多向寺中藏
海門日落魚龍靜錢甕城低鳥鵲翔
更上高臺妙極目綠楊烟裏認淮揚

燕子磯懷古

長流如箭向東馳石翼高臨此水湄
濤湧海門迴鏡

綆日斜江上悵，鑿旂三山風物鯨。波盡六代春秋愁，燕子知最悵長繩。誰不定高飛，終見上京時。

焦山隱士祠

刑

殺獍狎羊盡，渺麼瓜牛老子自。婆娑江間風浪，今如許記否當初避白波。

登浦子口城樓

麗譙高建翠微間，飛勝當年壯赤寰。萬里三江雙派水，一樓四壁六朝山。天迴牛斗環中極，海送虹船滙下關。何處笛聲來浦子，美人遥在落星灣。

滁州懷古

趙

一州如斗萬山中，宋舊當時是鎬東。豐東海鯉魚飛不起，西京石馬氣何雄。百年社稷開韓國，一代文章有

醉翁野渡亭邊西澗水山花猶是夕烽紅

清流關

似此山川霸業空無須天險說蠶叢層岡日斷三秋
雁古戍寒生萬木風叛國元臣惟學究危時鬥將亦
英雄如何臺殿荒涼日泪盡金鈴一曲中

定遠縣

淮肥會合此東流十五岡盤接壽州屠僧猶多名將

種明郭子興李善長沐英吳良馮山川留得美人頭

縣有嗟虞墟相傳虞姁之首孤城王氣無龍虎驛路

征車襍馬牛最是斜陽墟落花輕一曲不勝愁

壽州

重鎮曾聞壽說春岡巒鬱鬱芍陂濱楸梧半是英雄

骨風雨難銷戰伐塵六代邊疆今寂寞八公草木自精神我來且放東湖艇一路荷花到瀨津

落日村橋一水涵數峰羅列似瑤簪高城吹角涼風

起野店垂楊楚雨酣從古美人憐下蔡於今仙客託

淮南遙看禹會邨中樹點點歸鴉下紫嵐擬州

淮上舟次同黃明經運亨作

江鄉纔了又淮鄉一幅蒲帆駕小航野樹有花多以

雪人家無處不斜楊水來息縣如環折淮水從息縣

飛山過滁州學壁藏過滁州後淮釣得鱸魚長半尺

却酤村酒共杯觴

朱臯元汝穎之

朱臯因下放船過落日蒼涼汝穎波冰乱何因來白

馬稱兵豈必為黃河石人自託三生佛玉殿先祠十
種魔知否大都如洛水杜鵑聲急晚來多

至息縣寄內

江南江北多楊柳直送離人到汝陰兩岸魚蝦常作
市千家桃李合成林長檠筆硯他鄉况明月樓臺故
國心庭砌海棠開尚未更無消息到如今

息縣

四野桃花合花中古息州春喧巫女鼓雲下白公樓
地自名原鹿淮汝合流之處即人何學帶牛那堪天

氣異四月尚披裘

聞說朱明末茲城古戰場連天只青犢浩劫痛紅羊
劇賊驅張角諸生奮李棠只今遺跡在列寨正前岡

黃莊

垂楊垂柳倚高樓引得春聲駐歷留遠水雙流連穎
尾遥山一角隔淮洲當年人尚傳孫叔黃庄南去十里許為期思
集即孫叔故居此地花曾誤息侯日暮鄰家聞短笛村童也
解弋陽謳

惡少謠

金韜玉勒五花馬道逢縣官馬不下合藥朝試綠沈
槍鑄刀夜開青鏡冶長者矛短者戟銅鏡千金戈百
礮排墻水圍宅佛郎機聲同辟歷房中火藥如山積
黑山之徒燕市屠昨宵聚飲羣歌呼誰家娶婦開青
廬劫取蛾眉當酒壚明朝試向縣門告縣官無言胥
吏笑

上刀山

汝賴少年有以刀為戲者羣聚而觀之謂之上

刀山

東風動地千人急廣岸千人萬人立罇于丁寧響徹
天老蛟欲飛龍破蟄竿影何童童鼓音何辭辭三戒
已齋鼓未息竿上已見千矛鏃兩襠衫子紅祇稠翻
身一脫無纖毫大刀絡以朱絲絛小刀綴以英瓊瑤
大刀小刀如毫毛刀光射天天為高以身試刀刀不
膏赤脚直上竿之梢上留一穴長鉞交如蛇赴壑無
膚撓失勢一落佯呼號觀者毛戴聲嘈々吁嗟兵者
凶器古所戒汝輩何故紛且囂好以金草代衽席法
網一振無能逃即今天子崇文教四海已靜鉦與鏡

帶牛佩犢猶為爾得非長吏無甄陶鳴呼得非長吏

楚巫謠

期思故楚地也居人病惟呼巫祀鬼鉦鼓之聲

間於遠近戲為此謠

洞：東：太平鼓大巫趨趨小巫舞鳴：咽：歌聲

苦學作神腔向神語一脉蹄兼一斗黍曲終便向索

中貯楚人性命繫於鬼家：呼巫作鬼祀呼魂夜向

淮之水有鼓聲病鉦聲死其死則鳴鉦送老烏悲叫

白楊樹又見巫姬簪花去有客教請醫師來桔梗柴

胡無覓處

打麥謠

打麥打麥南村之南北村北夫婦耜義繫在腰小姑
袴鑰束以草鄰童村女來絡繹遺穗捃拾懷中積打
麥場平如席碌碡雙南山石黃牛雙檀木輓玉粒金
蕪高一尺驅牛牽石石磔磔輓聲啞啞牛蹄踏踏其
崇如墉比如簣順風簸揚向風擲但願青天無雨麥
不濕明朝作餅祠福習

有虎行

有虎來何所乃在南山陽鋸牙銛如戟竊毛炳且明
朝飢餐麋兔暮飢食麋麋虎前導羆豹虎後從貪狼
虎狡交城狐虎訊藉虎張民間二母彘昔昔充虎狼
小民訴無處搏地呼穹蒼獵師城中居百尺高堂隍
畏虎聽虎便出入且安康我御史來猛氣百鍊鋼

上頭鐵柱冠，緋豸繡衣裳。飛符下獵師，赤字綠縑裘。
嚴令三五申，刻期誓取將。慎選材技支，滅虎空虎場。
城狐顧謂虎，汝昔太披猖。尺一符已下，汝今計宜滅。
不如從此去，去去事遠方。西南有崇山，亘河洛荆揚。
深谷樹蔽芾，複嶺更重岡。潭中老羅兼，竒鶴汝去入。
其羣容與自徜徉，譬若角而翼，洵樂不可量。
虎願謂城狐，道路阻且長。有山何萁萁，有水何湯湯。
涉水與登山，竄避笑群虺。窟穴幸深邃，夙昔慎周防。
鋸牙銛如戟，足以當斧斯。虎張顧謂虎，謂虎曰：大王
大王負威名，慎勿走且僵。虎願謂虎，張汝聽悉細。詳
作書與驅羆，相教共匡襄。下山設烏梅，汝過慎勿嘗。
獵師從坵來，出車何彭彭。授兵空蘭錡，載之兩三觥。

長予一丈八呎甲錢兩褶夏服佩勁箭腰間挿大黃
敵石大如輪奇器輦佛郎雀環懸威蕤四角垂光芒
十人成一系列百人成一行萬人頗不足千人何穰
伍符追餘子逼迫及耕氓群吏走相呼約束如驅羊
是時天火陰白日無精光北風吹動地中夜墜欃槍
獵師失其羣出門遙相望去虎穴五里列圍如長墻
劍戟未及施礮石聲雷碾有虎吼而出披靡莫敢當
人馬皆辟易辟易十里強走者失其羣屢騎者失其
韉睥眦互相却精淪視茫々編須料虎頭幾向虎口
亡何來烏合衆徒為虎所傷隴種紛々散四顧野傍
徨卞莊自言勇馮婦亦激昂攘臂未及鬥拒車如螳
螂天非縱虎暴人則遜虎尾庶幾更一法用在狐上

囊
張此法無人知
址山酋耳剛呼之使搏虎取虎如探

雨中作

到經三月以長自雨廉纖歸思如淮水微波夕夕添
苔痕侵土榻涼氣重筠簾越鳥無端集孤飛下草檐

感興

誰教作客過州黎野渡蒼茫落日任淮北自來無橋
樹汝南終古只鳴雞三春花月愁中度五字詩篇醉
裏題莫更白公亭上望刺桐如雪鷓鴣啼新息有鳥名鷓鴣

烏龍集口號

春洲祗事鬧蜂衙狂蝶尋芳亦可嗟見說息夫人去
後白亭從此少桃花

桃花夫人廟

翠羽明璫是也非靈宮鎮日掩瓊扉桃花結子垂牆外落盡殷紅反舌飛

又一首

一樣傳聞孰是非魯韓傳與左丘違大車詩說分明賴有劉郎為解圍

淮曲書舍春望

平氏水東下波流繞小齋桃花非息國明月自清淮
春市村村集秧歌處處皆僕公山最好何日理芒鞋
自黃庄泛舟至烏龍集

年來身似白鷗閒放艇春流杳靄間淮水自圍桐柏
廟雁聲遙下木陵關烟含平楚疑無路樹擁高村遠

當山正是祓除元巳節野桃多少點溪灣

楚客

非關楚客好微詞鎮日尊前有所思芍藥風懷黃蝶
夢蓮花世界白鷗知書傳錦鯉心難寫珮結芳蘭事
更違我有瑤笙吹不得美人無奈是參差

大水

竟夕雨滂沱高齋見白波顛舟同退鷁圻岸有鳴鼃
山勢隨淮斷濤聲接汝多巫支祈住處或恐在盤渦

新息夏日即事

楚雨淮雲動客思白亭共覆手中卮杞苗芥穗登新

饌息人為常饌杞苗荆玉塢琴臺俱地名檢舊詩棋為畫

長完局早荷綠夏閨閨得花遲市橋曾有坡仙句何

處任家小竹陂息之餘市橋及任氏綠隄種竹彷彿市

橋風景

褒信故縣

褒信城邊路年來我再經高荷遮浴鳥深竹乱流螢
水繞長淮綠山圍大別青固始有山亦名大別任家
波上望何處白公亭

袁安故里

卧雪人何處惟聞故里存賊寬京尹鞠獄雪楚臣寬
智畧虞弘遜艱危憲景尊不堪公路輩與汝作兒孫

黃歇宅

學得咸陽賈將為盜國謀生招珠屨客死擲棘門頭
事與蘓張異名應勝忌羞故墟傳太史當日楚宮伴

白公城

長淮倒流石齒王孫屬劍向淮水人殺人父人不
嗔將殺人父告人子自古不共之仇有必報此懷只
應向王告鄭人在此仇不遠勝也遷怒何顛倒奔山
幸免石乞烹強死終類齊豹盜不信城以褒信名漢即
縣故此間尚有白公廟惟有宜僚邁等倫想見弄丸
妙如神承之以劍終不動此士終當五百人

孫叔祠

大鳥不鳴亦不蜚輾然一笑來樊妃薦賢莫賞虞丘
子只有美人解憐士芍陂之水瀏其清雲夢之澤遠
以平葬我廬江萬戶耕後來之事何分明高相者車
來日夜長見負薪祠下邊淮汝都繞期思流千年猶

自奉寢邱世間豈無念舊者不如優也言無郵

玩花臺傳為息侯築

有巍者臺其高可攀繞以葛仙之水環以僕公之山
蒼蒼者徑彎復彎英英者花殷復殷美人一笑但烟
鬟美人何裊裊花光何晶晶誰使斷腸枝而強附蘿
葛蘿葛無情妒花開細腰宮中授了來阿姨走馬去
章臺鷓鴣悲啼花發處東風着意留不住一枝桃花
出牆去

任大百亭

樹樞

古銅劍子歌

原鹿期思古楚地居人夜見蒼精氣誰知春原鋤藥
人翻得上古剗犀器任侯居里近長淮多方易得示
吾儕三代法物神所守不使泥土終淹埋滿堂賓客

寂無語寶匣乍開長尺許是日炎天火傘紅寒光歛
况來堂序古風古雨釀秋碧蒼龍夜嘯裂幽石千言
墳羊不敢留蘇花忽露瘦蛟脊老蟾蝕盡芙蓉膚皇
媪鍊成翡翠魄金星留影雲冥：銀漢無聲秋脉：
莖臘長短較考工尺寸俱與桃氏同九錡七錡殊輕
重銅腥已化銅質融著手磨抄日三五愁殺煞肌紅
十五女賞鑑會入博古圖記載偶遺刀劍譜護聖筭
館藏星鐔秋齋夕夕生雲陰我為作銘書以科斗字
曰壽萬歲直千金

百亭更出一斷劍子亦古物也重為作歌

古錢如名士只可作清供斷劍似半人尚堪一割用
君家所寶兩劍子其一僅存半尺耳曾經剗犀與截

兕忽斷長虹剪秋水寒雲半滅青芙蓉一折何嘗挫
鋒芒况復見首不見尾佩之可以當神龍君不見半
段槍一寸錢殺人只愁濡縷血神物不作繞指柔世
間至剛終須折嗚呼終須折為淒絕貞女貞烈士烈

閏六月

赤燠回駕小勾留過了立秋未是秋畏日仍延獐馬

度是年又六月八日方出柳星荒天深怕稻梁謀諺云流

月綺筵人再浮瓜李銀漢星知知悵女牛惟有荷花真

得意生辰兩度在蘇州蘇人為荷花生日廿三

閏六月初四開閏家信作

昨夜長淮到鯉魚看餘尺素轉愁予頻年米價珠相
似兩地清愁水不如千載淒涼王粲賦一天風雨杜

公廬平生閱盡卿環秘可惜曾無貨殖書
憂心那得不如惓又說鄉園兩大酣赤鼓千村聲坎
坎青疇一望水沈沈漁陽已失雙歧麥吳苑虛傳八
繭蠶賴是聖朝多軫恤肯教民力竭東南
謀生計拙困風塵彈鋏年、絆此身傲骨終難作熟
客空囊何處問錢神伶仃多病憐吾弟辛苦持家更
老親旅館情懷無別顧桑榆歲月祝長春

七夕戲作

烏鵲成梁一夕填不須灑淚向涼天若教會合終元
運抵過人間三百年

聞蟬

汝懷高潔韻似我素張琴客有華年感秋生此夕涼

明河垂湛露高樹易斜陽風葉蕭蕭裡隨聲落破牀

登河口孫氏樓

高樓易蕭瑟天地况斜陽大野交淮汝岩封接豫揚
百年休息地六代戰爭場莫以期思瘖秋高足稻梁

秋日偶成

蕭蕭秋原裡枯齋寂坐時夢魂胡蝶冷心事杜鵑知
久客緣貧慣微官為嬾遲竹林繁露下憶下讀書帷

秋夜

落木更蟬聲蕭蕭似不平故鄉幾千里殘月又孤明
天地供為客文章負此生迨歸羅岫曲努力事春耕

任四山春

樹森藏葉小鸞硯為題一絕

縱小如環亦可珍銀奩湘管伴熙春羨他鵲鴝雙青

眼曾見驚鴻絕代人

寄懷曾大文橋

太玉山中野鶴儔蘭亭六六榻銀鈎三橋亦藏蘭亭

名其詩傳西郭何无咎人似南朝許散愁破榻設棹

蕭寺晚孤篷聽雨廬江秋何時淮北歸來日同泛芙蓉

水上舟芙蓉亭居近

與黃上舍曜仙談詩

不妨與爾共高歌白雪吟孤奈若何佳句每從隨口

得好詩只覺別人多故園風景勞歸夢異國溪山入

醉哦依舊清淮明月映六朝雅製逐烟波

題邵家慶畫

一个瓜廬十萬松綠雲缺處露夫容醉扶柳榭溪橋

上瞥見前山掛玉龍

紫府玉人吹玉笙大宮小徵盡含鳴夜來歌枕虛窓
下知是松聲是瀑聲

八月廿三夜對月

蟋蟀聲中特地涼羈愁人獨對蟾光頻看殘月如初
月其奈他鄉念故鄉桂落高花微有露荷畱敗葉尚
聞香拚將小立孤吟影抵過蕭蕭此夜長

即事

書堂頻見布帆過一水盈三又夕波綠樹村深啼謝
豹青廬風急起鴛鴦愁如銀漢宵中冷詩比青山淮
上多開到黃花歸日近黃花無奈晚開何

時約以十月初旬歸里

題百亭讀易畱即送其需次址上

古銅劍子壓吟鞞好趁秋風整綵翰太上卦爻宗孟
喜漢家監錢議桓寬行逆白雁隨南度到及黃花向
北看子陸于達君記取牢盤且莫恥微官
唱罷驪駒送笨車涼風天末奈愁予况當楚客懷人
候正是淮南葉落初八載苔岑聯講席一年燈火共
精廬京華風景應如舊仔細煩君報鯉魚

野望

孤雲與鴻雁亦解向南飛鞠有黃花日人遲元鳥歸
涼風疎短鬢野色上禪衣獨自秋臯上空亭對落暉

誌感

我家羅山下門前溪水流二月杏花春八月夫容秋
獨立板橋上一望交平疇平疇清且遠遙連城南陬

陰陰桑柘烟，穀穀飛鳴鳩。我屋處其中，但於棲鶴丹。
有書亦可讀，有酒亦可簞。胡為不力耕，而為索米謀。
索米亦何有，常使我心憂。心不可遏，况復事遠遊。
識字憂患始，饑驅蓋有由。將以贍八口，非為富是求。
人生貴適意，既足寧不休。逝將從此歸，與野老傳。
涼風生高柳，白露下庭槐。日夕數蟬鳴，為我助秋懷。
鴻雁行將歸，游子尚天雁。雁故鄉日以遠，故人日以乖。
浮雲來何所，偏傍此山厓。自憐魂夢倦，夕夕渡清淮。

秋原

若為秋氣入，林扉獨立高。高原對晚暉，黃葉風輕涼。
客袂白蓮色，壞似僧衣收。餘早稻江鱸，上開到蕎花。
燕子稀，苦憶平溪。水曲幾時好，上釣魚矶。

孟嘉園至任五樹梓居

鷺鷥飛傍柳岸蟋蟀聲到豆畦借問人在何處汝南

江北淮西孟嘉園池夾淮汝

紫霜兩堤蘆葦秋雪十里麴花馬向綠槐中過隔林

始見人家

別山雙峰當案汝水一環繞村碌碡秋塲靜卧黃牛

正繫柴門

竹灶磁甌茶馥松寮菊圃棋聲看餘道書半卷一路

歸趁月明

贈黃夢腹明經運亨

金粟山中第一流卅年著述老蒼洲平時每樂稱人
善獨坐蕭然與古儔京洛詩畲孫萬壽皓學繼蔡

千秋淮鄉燈火同晨夕
深悔前時不共遊

渡淮至簡民居

高空聲急起孤鳶
黃葉林中喚渡船
野水綠隄通竹塢
蕎花如雪撲秋田
萬羅歸夢隨鴻後
百罰深杯在菊前
不是故人能醉我
淮南容易住終年

燕子

燕子如黃葉
秋風日日稀
何當淮上水
得與爾同歸

江上逢徐大時予將歸故園

蘆花楓葉正紛紛
江上逢君又別君
梅市自聯新舊雨
謝亭空悵往來雲
青山於我原相約
白雀如人亦不羣
何處琵琶聲最好
灘頭共與醉殘曛

歸舟作

曉星數點落船頭一枕鄉思落暮秋知是臯亭山不
遠語音一半近杭州

石門劉文成讀書處

宅與隆中似波如渭曲深山猿守神笈溪鶴伴彈琴
蹈厲飛熊夢任徊辟穀心浮雲流水咏憑仗一高吟
西臺吊謝臯羽

只合桐江上千秋伴客星敲殘竹如意彷彿見神靈
魂自招朱鳥天方授白翎西臺晞髮處鷓鴣不堪聽
將至杭矣忽為風潮所尼宿江上作

退鷁真宜號此舟翻從江外望杭州風波如此公無
渡海氣蒼然我亦愁漁浦漸看任白馬瞿唐深怕似
黃牛美人遥睇知何處多少青山湖上頭

出清泰門而東十餘里為茶漕里海防司馬辨
工處也惠堂夫子築數椽於此招余館其中賦

此

野屋如漁艇終朝泊蓼汀海雲侵棟白江影碧燈青
洗硯看龍起吟詩共鶴聽一聲長嘯罷風雨急冥冥
一水芙蓉浦餘青迴未消我如江上月長照海門潮
眼底枚乘筆樓前楚客橈赭龕天際看指顧小金焦

卧樹樓老樟歌

乘龍割耳耽幽睡上壓千峰萬峰翠何年鍊遂驚夢
回偷從江底伸一臂巨靈醉倒危不扶攫空猶作拏
雲戲裂崖穿牕影遙々上非在天下非地白雲冉冉
鋪絮平吟秋老幹酣雷聲迷鳥羈鳴眠不得但見八

十一鱗閃閃樓中橫
珠覺下看秋光萬頃平
彩鳧雙雙倚斜照

山倚暝秋彩鳧

楊盥若別駕入山訪道畧

搥藥一聲振林樾
滿山白雲清到骨
有客披畧入山來
坐向峰頭弄明月
指點虛無縹緲間
中有瑤華開仙闕
此客舊宅金鷲洲
家世文采真風流
九韶善卷游覽遍
之官仍向漸江頭
漸江東西好巖壑
神木古芝帶叢薄
已見委苑藏奇書
更聞蒼山長靈藥
仙華朝妝初平羊
瓊臺畫飛玉喬鶴
手携瘦蛟子下柱
萬夫容桃花隨流水
深山何處鐘鐘聲
杳々仙雲曙却見
陵陽修道處白鳳
青鸞俛有無朱幡
絳節時來去丹臺
石室記姓名安知
此生不得預我聞
大隱居金

門為吏為仙一理存但解濟人壽斯世無地不可武
陵源君令手版方隨身却羨幽人禮玉真我亦葛仙
陂下客棖觸當年勾漏烹砂人

為楊警齋太守題種竹畝

女床昨宵鳴么鳳碧雲一片秋無縫紫府仙人驂鳳
來手把琅玕十萬種靈泉瘦石扶筧簞自携雅嘴出
雲房檐牙交柏影屋角飛花細々香柏影花香
含曉綠為言家言原杜鄴曲初奉英蕩來勾章再剖銅
符向太玉兩處甘棠樹樹紅一樣檀欒個個綠上番
正值龍孫醉纈葉朝垂修鳳翅祇緣人是鸞鸞姿愛
教竹報平安字春風春雨上庠日瑤胎初破瑤芽茁
愛爾勁節本無雙解說心虛義第一

公自言作吏以
心虛為第一義

我幸乘伴衙齋居清風竹下來徐徐直造竹所丹陽
尹於公竊比意何如

溪行雜詠

清溪扣舷角白雲答清響潭水綠不波魚影負花上
崖灰仄流自環峰迴路始敞過麝香栢杉飛鼉落栗
椽來竒得繼觀初景勞邈想眷言弄潺湲朝朝蕩雙
槳槳
峭壁千餘仞雨過淨如沐丹藤間青蘿斑編紛在目
欲崩未崩岩半死半生木顏雲出其罅一縷橫相束
偶然碎石落哀音韻琴筑蒞蘿但垂舟來之輒盈柵
回頭眺溪源知住幾茅屋不見溪上人但見溪上竹

馬跡岩

蒼苔疊石高溪色一何靜飛瀑忽有聲幽夢遽然醒
遙響荅灘音孤光沈鷺影韻分蒲葉涼香入蘋花冷
急呼縹甕來烹茶得味永江口
暝烟不出谷媚此溪上花隔林黃犢返始知有人家
流石如茹房風灘激之斜幽蒲多九節飛香碧交加
遙見負苓者迢迢入晚霞嶼口

聞臺灣警

壞雲如墨指炎方絕島愁聞颶母狂此日人重來白
馬當年劫尚憶紅羊兩嶼事時來不釀擒奸酒
事至空貽續命湯聽罷荒雞更起舞有誰親泛祖生
航
落日孤城點點鳶蓮花潭上羽書傳南中自擁辛毗

節址下重煩楊僕船豈有鯨鯢逃斧鉞可憐猿鶴困
戈鋌至尊獨自勞宵旰何日烽消海島烟

千里牟羅自一州重波絕險海東頭九泥竟類封函

閣單舸翻傳走蔡州官城以破舟沈塞鹿耳門沈命法

宜申漢律長生人未縛秦囚

聖皇不惜隆功賞珍重諸君萬戶侯

聞說生番沒水涯也抒忠赤答朝家一天刀血浮

羅刹十萬軍聲唱藥叉窮海游魂餘悍鯨蠻方陣勢

走長蛇么膺草竊成何事不見當年獲呂嘉

詠史

獲索紛爭日宣防版築秋才無死馬骨官有爛羊頭

監鐵關深計兵戈費老謀誰與麟閣上骨相合封侯

南海驅三翼西都鎮百城諫官唐伏馬宰相魯諸生
絳灌徒期會蕭曹乏老成供輸緣帶甲廟笑早休兵

鬥蟀圖

一寸江南土秋高築將臺少軍振臂呼太尉戴頭來
霸上真兒戲循州此相才襄陽城下聽礮打正如雷
警齋太守招同端木子葵郡齋讌集同賞牡丹
都從香國認靈芸亞字雕闌百和薰檀板朝聞金縷
曲清尊晝染御衣雲由來富貴惟仙子最解風流是
使君記得六朝賢守說竹邊重興繼清芬

鮒魚

錦鱗玉骨也娟娟正值厨開櫻筍前春水初生人放
艇桃花淨盡客登筵五湖俊味羞雙鯉一筋甘心破

謝康樂言永加竹邊多牡丹

萬錢博得粧臺添韵事美人手自作銀鈿

想見桐江笠水湄畫眉聲裏落帆時盈籃碎朵宜花

襯以温郡鬻鮓魚小隊游波有燕知聞漁師言鮓魚將

上北去杯拌誇洛客南中風味擬家姬近以鮓

裁雲第一誰回首腸斷當筵杜牧之

題葉二相士桐陰息鶴圖

采采巖阿超超軒橈金颺朝鮮珪月夕朗湘蘅流馨

嶧條延爽有頽之子睠焉遐想雲薄麗羅波平逾掌

老鶴一聲秋陰蒼々含和泳虛載息塵鞅言遲其遊

谷神同養

古芝水月圖

獨雁鳴空暮陰四轉妙鬋雲低寶蓮花姬斜波霧平

深林烟鎖圓魄載暉續漣澹沈暎波秋士言泛蘭舸
波正如掌月復當頭舉手招月月入我舟鷺樹金波
與水俱流鉄笛一聲纖阿回眸魚龍湧起高風颭颭
是陶峴仙是長庚醉先生曰非我性所寄潭空月印
水流月在似三昧禪得大無礙

仙岩紀遊

十里吳橋港輕風好放船孤蓬晞竹露破權撥溪烟
老樹知前代春山似少年一聲疎磬裏倚棹寺門邊
孤塔臨溪迴高岩積翠分僧歸紅樹月人語綠蘿雲
粥鼓聽猿下經聲共瀑聞階前雙謝豹開落自紛紛
樹杪孤稜出危峰懸一亭松根穿洞黑石氣入天青
物谷晴飛雨虛壇夜摘星空山無唱和吟與老龍聽

文節讀書處祠堂隱辟蘿當年考亭子載酒屢相過
諫草追辛鄭經神邁服何斯人不可作惆悵此山河

甌江龍舟曲

春雲漲破甌江水曉一水芙蓉渡媚々丹若紫蒲嬌
可憐龍舟更向虎城遶鹿城五月好烟波吳橋港碧
漾綺羅已見錦標蕩青雀更聞彩鷁鳴靈鼉靈鼉彩
鷁交蜃浦江城倏忽現龍宇大龍吹笙小龍鼓龍女
清歌瘦蛟舞蘭槳桂楫星搖々倒激銀濤作秋雨香
風十里沸南湖瑤宮仙子來瑤都風裳水佩明霞裾
空擲下麻姑珠水夷天吳齋拍手金支翠羽光有無
銀浦回流媚江郭似向洞庭張廣樂水应幻出都廬
撞波面飛來結綺閣法螺一聲萬櫓齊花枝入水嬌

雲低畫橈纔過虹橋北彩旗倏在水亭西水亭豪華
盛游戲酒舫燈火照天地俠坐金尊洛陽童載將瑤
管東山妓自擘鷓鴣絃唱玉宸細搗鹿角彈銀字別有
桃葉盈江濱燕釵蟬禩穩稱身羅線影搖青瀾瀾錦
襴紋盛紅麒麟相約女伴呼花舫不惜金錢與榜人
眉痕鬢影紛無數妝作鷗天別樣春紫鸝翠燕交相
語夕陽澹沉下江樹重成回首城重暮烟平龍舟送之不
知處誰家碧玉呼小鸞明朝更向南塘去

將之武陵留別郡齋諸子

筍簾蒲帆鎮日忙客心先已到錢唐難離旧雨兼新
雨轉望他鄉作故鄉踏梅共有來春約坐竹無如此
地涼一去桃花萬重嶺幾回夢魂遶西堂

為趙藍村太守題出獵圖

使者家原右北平當年射虎意縱橫
軟裘快馬蘭山下聽盡悲歌敕勒聲

昨夜梁園飛雪花金鷲袍褶閒青網於今豐草無狐
兔白鹿長隨畫隼車趙太守為河南

歲暮懷人詩

僕廿載名場行經萬里輪蹄所逮交好為多
迺來浪跡錢江塊馬獨處鮮與為歡回念昔
遊彌馬心結平生師友自曾太令而下至家
霞樵茂才或道藝經術卓然人師或詩古文
詢不愧作者之數人類皆磊落有奇氣非世
之齷齪者比也窮冬板屋燈火熒然輒抒情

言懷畧以齒為次如右

曾復齋太令

鑪

復齋工古文于易學尤邃

卓薦得縣令

以司訓

于易學尤邃

天闕亘畏佳萬古鬱奇氣鳴陽暗不鳴飢鳳垂雲翔

夫子冠代才行天御龍轡斧鉞斷史窾鏡曦燭經笥

點翰三兩言欲拔韓蘓熾易說十三篇大義賴不墜

老眼扶重昏微芒辨秋穉譬叅上乘禪一指萬魔惴

廿載首宿齋恂恂無所試峩峩秦冠少司瀛與阮大元中拔

才不較地一從計吏荐尚未施利器歸來卧衡門一

編守古義

項勉軒布衣

維仁

勉

軒畫工絕為本朝永嘉第

詩尤有勝概灌園松臺山

有勝概

灌園松臺山

灌園松臺山

灌園松臺山

灌園松臺山

灌園松臺山

灌園松臺山

灌園松臺山

種柑以

勉軒古逸士冰雪厲孤影三絕文思橫雙鑠琴心靜

赤脚踏層雲，襍被雁峯頂。長嘯呼癡龍，秋星落耿耿。
寫出仙山畧，曠絕非人境。古月破霓生，麗雲抱春靚。
一卷墮淚文，秘之瓊華省。橘奴歲頗佳，松臺迹未冷。
吹笙遲子晉，野鶴同瘦瘠。六亭以解元為臺灣司訓

寧令辭不赴
仍應春官試

鄭六亭解元兼才

人生無奇節，百年負壯士。嶽、滎陽生，蟻封騁駮駢。
作為古文章，當敵無堅壘。瑤簪竦森、高與蓉京峙。
一折桂林枝，去作蓮潭史。獐布白，稱身蠻花紅。映几
醉嚼海東霞，甘從吏隱矣。妖星落東溟，疾雷震澎水。
濤翻老鱷橫，月黑癡霓死。一笑驅水仙，長劍劃波紫。
手磨長鯨牙，力折狂象齒。大府顧而笑，論功荐

天子上書破
王闕那屑風塵仕臣有著作才簪筆
待金肥

陸心蘭侍御言

陸郎居鄉日敷樸但自守伏處儕羣中落落亦寡偶
一朝際風雲載筆依帝斗上書陳利弊屢領至尊
首大環渾而揮虛霏善容受未調泰鴻心莫闕鳴鳳
口蒼、設織未補闕亦何有封事四百章直聲震
朝右人中指屈軼終以期吾友

端木子葵孝廉

國瑚

古稱小鄒魯甌括實鄰壤瑚也挺竒姿拔出韓錫陳
上一為鶴訴吟哀怨動高唱當其落筆時突與迷峰
嶂陽春回花柳天地忽清曠家無一飯儲身有千秋

賦自味文史廿一第薄卿相

張小軒檢討鱗

同年百廿四鱗也齒最少奕奕天骨開朗若玉山照
刻苦為詞章一語臻象妙萬馬慄長鳴千妃回一笑
纔過棄繻年已待承明詔科第已翔鶴文章詎隱豹
相思赤亭水極目勞北眺

家霞樵茂才游

茂才勇於詩鍊雪滌肝胆心精百代函智燭九霄擊
彩翹威鳳翎珠擷驪龍領囊以杜蘅蓀調之蚺羸盥
婉約古磚吟茂才古磚吟為筆力山可撼餘事著詩
始君採邑前輩作慧眼窮黠黠騰墨摺吉光一一垂
錦暉秋齋萬靈泣九幽同冥感

雁山靜上人以靈岩茶介項果園見貺索詩

夙愛雁山竒，篋輿惜未發。夢寐乘龍湫，雲去坐靈岩。
月道人趙州，徒逸興青霞。鬱四十九盤，中精藍結嶂。
崒手種已公，茶驚雷英初。出遺我雙鈎，筠籠珍重等。
玉屑到手緘，題開異芬已。秘醅員搓蕒，蕒長短憐梅。
須了羽碧芝，壑鸞翎白石。梁鷹緹桃帝，並芳旗峰小。
可掇想見諾，巨羅重霄駐。雲節呼取耕，烟龍飛瀑漑。
蒼雪薄言燃，竹爐一一縹。薨列置向松，風旁試以桂。
火烈醺：秋露清汨，春雲活法乳。傾天瓢一飲，脫
凡骨我聞茗，并初齋嬰書。初說仙方垂，子儀服食變。
髯髮茶經肇，鴻漸來泛蓉。川筏後來歐，蔡徒作譜盛。
著述顧渚及武夷，鳳團誇揚越。譬若索衣珠，光明失

神珎豈知深岩深殊種固佳絕山靈秘竒卉未許輕
採擷師固味道人勃窣為理窟俾我滌俗塵百杯飲
浮醇會當遲項斯乘秋探岩穴烹泉古洞旁嘉福記
吾舌

為花農別駕題漢臯贈別畝

十里離亭酒半酣一聲颿鼓下青翰漢南柳短難為
別湘水波清似此官才子情懷憐黑蝶美人心事托
紅蘭携官宦橐無他物數點君山畫裏看

七月初一日邀同張晴齋衢登吳山

秋上孤桐感客心且邀酒伴共登臨情懷落拓君如
我意氣飛騰昔勝今似樹蕭疎憐短髮將雲捉搦有
歸禽夫容麗句誰能賞憑仗峰頭試一吟

為端甫年伯題探杏園

黃雅穀：柳珍：花裏春人駐錦驂昨夜小樓春雨

足傳將芳訊到江南

遮莫雲邊我得無暫停六翮小鸞雛他年折取高枝

好補作探春雅集品

壽林松亭培篤五十初度

松亭居士醉為鄉吟倚佳人錦瑟傍數首詩綠中酒

得一生心為看花忙枕中鴻寶傳仙籙肘後龍宮繫

禁方松亭善術約汝雲江楓嶼下松亭居飛雲尋芳同

泛玉浮梁

夜坐聽蔭圃任七彈琴

夜坐空諸有皎然見太清江月來屋角庭際生虛明

感彼節物化嘒々元蟬鳴與子橫綠綺為我鼓再行
暮潮江上來和此絃上聲古意諒斯在何必咸與莖
曲罷拂石坐秋露皓已盈江波逝不息潺湲空復情

文丞相祠

蕭々竹栢夕陽寒丞相祠堂似錦官天水有聲沉白
雁神州無地著黃冠浮萍身世飄零易破絮山河收
拾難試聽錢唐嗚咽水淒々一路接嚴灘

不至武原數年矣己己春之吳門迂道過訪張

二壽彙於小綠隱山房感懷作此

辛夷如雪燕呢喃此日逢君把玉槭五載鶯花懷半
邏一春風雨趁孤帆重來好景多依舊別後新詩更
不凡話到鷓原同有淚尊前濕盡紫絲衫

甲子與壽
癸其兄秋

子槎即莊以是歲下世次年

發富春

赤亭：上路垂柳又絲絲春水初生候河魚大上時
江聲寒客夢花影攪吟思欲傍霜松柏前村卓酒旗

小隱山上謝
緙手植双松

桐江道中

一鳥窺山翠衝岩帶落花春江綠於潮錦鯉赤如霞
間有烟波叟言乘星月槎一椽容波築來傍老漁家

雨過織溪

遠岫如嬌女將雲垂作簾青沈天悄悄白咽雨纖纖
江水終朝長春愁盡日添睦州今夜月悵望屬銀蟾

嚴陵舟中望江上諸雲山作

山勢欲飛去強被雲勾住雲更耽青山與山相吞吐
想見山中人人日日與雲遇丹梯削天根青壁懸鳥路
飛瀑濕其巔清音協咸護相君餐晨霞言向雲中駐
羊裘一老翁釣絲拂秋樹下視漢公卿嗤作鳳凰笈
謝翱亦男兒西臺往來屢如意敲石殘舒憤向天訴
朱鳥招不來泪作鉛水注山光終古青古人不可諱
惟有白雲留為山作屏護我舟亦暫過深碧照舣舫
不學補唇吟恨無驚人句浩歌盈蕩胸山花就船雨

常山道中

捲雪門前過溪流沂定陽一灣新水活兩岸橘花香
絲鬢綠愁長波鷗笑客忙明朝草坪路又上楚人航
玉山舟中題榜人壁子

買得睛船五尺偏此身暫寄且隨緣別間放鶴眠鷗
地得似蘆簾紙閣天舟中紙糊壁子總小剛宜橫畫
卷篷但喜不碍吟肩明朝便放蓮湖去卧看孤帆破
曉烟

自玉山至貴溪之上山皆純石殊奇說

一峯危如柱一峯列如墉一峯曲如輿一峯倚如筇
一峯祇一石一石或數峯忽印壘圭壁亦矛戟斧鑿
為學愚堯禘或大霍小宮寸土所不受壁立凌天風
其下環澄潭風雨吟古龍其上頂凹裂冠以鳳尾松
媧炉鍊臺液天半橫癡虹倒壓青琉璃積鍊寒高穹
鬼谷棲何處仙冠簪芙蓉東眺望夫岡雙淚萬古紅
九子何磊磊棄之清冷中岩乳列細竇羣魚入嵌空

函胡清越音得非石鐘鐘飢蛟瞰客過寒晴射孤篷
我携鐵笛來吹散濃雲濃抱月登蔚藍呼瀑洗秋曠

印潭

樹：深無際雞聲知有村隔林帘影動彷彿露柴門
花片媚溪色莎根認漲痕浦中漁火出繫纜又黃昏
舟曉

一櫓搖殘夢帆開向曉天烏聲辭浦樹明月落江船
遠漲添梅雨疎林出茗烟滄浪吾有約何日足高眠
波鄱陽湖

九江之水禹所經日亘吳楚揚與荆噴欲笠澤淪洞
庭環以廩箇惟宮亭在鄱陽者山以名彭蠡滙澤殊
厥稱初學記彭蠡四州支川誰所并洲渚浦淑相回

縈員者如環方者頂大淪小瀾直則壘沐日浴月涵
列星我從玉水呼津瀟蘭橈桂楫輕鳧輕一棹界破
蒼烟橫便隨釣客來遐征滄波汨汨風泠泠蒲帆獵
獵雲冥冥枕樓搥鼓揚飛艦如壑縱魚鞬脫鷹天宇
四蓋如員容空水一氣搖光晶高寒倒壓冰壺冰日
華皜皜嬌霞頰青紅盪碎琉璃屏綃縠姁妮鞞紋生
軒然大波忽磕砰雷車百萬紛鏗鉤大孤小孤何媯
姪修容嫵顏淑且貞廬岳九疊維南垞半空自掃長
眉青妙鬢斜驪交珠纓如羅台胥門尹邢洪崖拍手
吹瑤笙天瓢滿酌雲漿傾謔母跨霍夫容京桃花一
放三千齡鳳翥鸞翔降玉輶翩然而下集遥汀一笑
向我波間迎百八十里空中行萬八千頃無畱停高

吟我欲呼九竈大魚如龍出浪聽一刹那頃洪都城
滕王高閣初恍登快然大嚼萍江萍馬當之風古所
徵健筆阿誰繼清聲作詩聊以記行程願此水化為
醪醑西江一吸如長鯨倒醉夢隨明月升此間樂不
殊蓬瀛冷然遇風記我曾

滕王閣

珠簾畫棟插江濱此日乘槎一問津樓閣當年留帝
子江山終古屬文人鶴來梅嶺開仙館梅嶺在福山
山對松門接綺闈最是傷心南浦地綠波無許浣征
塵

鍊柱觀

諶母桃花一笑迎千尋鍊鎖此孤擎蛟龍虛壁寒留

影鸞雀空霄夜有声東晉衣冠歸碧落西江樓閣儼
瑤京玉書金簡客高嘑欲向仙家結道盟

玉笥峰傳為梅子真修道處

舊聞真隱曳霞裾曾向峯頭結草廬不忿蛙聲添閨
位應憐鸞馭伴幽居微官一擲成仙吏諫草千言即
玉書尚有高風傳快壻秋竿閒釣富春魚
自臨江舟行至新喻得詩四首即景襍書不復

詮次

戚戚少歡悰悠悠日行邁水宿傍蛟鼉風餐飽沆瀣
洲渚既縈紆峰巒復何昔江雲流纖碧重淵蓄深黛
放棹沿回波乘月上高瀨眷茲山水佳謝客曾津逮
息陰石門松憩影華岡桂如何明發心貝錦希成貸

長歌懷古人
嘒焉發新喟

纖月懸林端
人影澹秋碧
及此夜色佳
停橈躡危石
不知身入雲
但覺衣上白
棲鳥時一鳴
篁露墜微滴
風籟過松杉
轉增林磴寂
隔溪耿燈中
有靜者宅
遙知幽居人
應笑遠遊客
逝將反林巢
晤言永朝夕
夕朝發石頭
津暮及閤皂
山孤帆入於
鳥去與片雲
問天鏡磨江
光霞衣媚烟
鬟一碧剪春
嫩萬綠相迴
環東望玉笥
峰霄半何屬
顏其陽多叢
桂其陰垂華
菅間昔丁令
威蘊真居其
間鶴去不可
招仙人何時
還微雨夜來
過四峯悄然
伏積陰生夏
寒槽聲答空
綠斷岸樹浮
空雲傍松根
宿公禽點波
心孤烟抱山
腹蓬窓揖練
光翳然菊艸
屋傾壺得高
歌散帙恣卧
讀

相知杖屨音苦吟笑僮僕

分宜道中

螺

大小雙淚照眼明銀砂錦石可憐生尋山客有餐霞
約上水舩如切玉聲碧樹纖纖工作態白鷗浮浮亦
多情仙臺定是神仙宅醉倚蓬窗聽紫笙

水碓四十韻

相杵禮經書斷木羲文卜乃粒溯初功或枕徵往牘
先王制利民精鑿供旨蓄厥用亦頗艱邪許勞昏夙
御粟弄九章終朝盈一斛輻車昉何年其文垂通倍
竒器璣衡符巧製雍羅慝累缸成堯礎引水潄獨漉
單隻鷺堠連蜿蜓魚防築瓶或類居眉輿不憂脫輻
盤渦迴秋瀧呵飲驅雪瀑截取酌泉高激注黃流速

灘角木庾庠矧頭石碌碌游至受以需轉乃利用轂
植材雁齒葦團團鶴翎馥天蓋旋含樞佛輪轉阿育
磋：璧玉璫的：蓮花軸音作餓鴿哀形疑捎燕蹴
為坎既受突倚柱更踰辣握謝細腰刀柄類長鏡鑿
音似鷹博復颺如鳥俯而啄譬大扣小鳴也飛土逐
肉當再接再厲已盈升盈掬百頃翹塵波一椽杉皮
屋器使宜籬蔭簸揚付待僮僕粟流東極雲梁分襄
陽竹粃救馥薌箕粉施糝戎菽襍以煎糲焚受之庾
秉穀福習祠曼頭靈趙紀大目拆甲小變三餛飩食
用六擣青復擣黃余饘亦余粥不勞春人官始果將
軍腹蝨桓劍頭炊憐鴻廡下宿韻叶女郎砧模范樂
師祝著論吐海傳速機當陽續汲井師桔槔行舟礙

購艦樂府歌憚：濠梁風謖謖慣聆鴉軋音且喜穠
稷聚何當歸去來連塍孰種桂悵望平溪頭鄉心轉
輓轡輓

自宜春至萍鄉居人多累石為堤舟行甚艱感

懷作此

小舟泛：如鳧輕大舟確：篙爭鳴前舟後舟連環
接一線滄波魚貫行中流石忽如人立巨鰲倒擲鮫
妃泣肯放清流緩：過東縛層：生太急以水搏石
石不受水怒作聲驅石走石更出石與水鏖十步清
溪萬鯨吼長繩百尺攀復攀十五五腰環環費盡
千篙萬篙力始見渝流轉處山下水船如注坡馬長
年垂手高桅下豈知一落千丈強有時轉恐作人鮓

昨者舟過彭蠡湖輕帆獵獵驅菰蒲世間難易總如
此窮途抑鬱何為乎獨憐雲衣披玉女咫尺仙潭迷
處所玉女仙潭居人莫學石光風驅石如風斷行旅
大雨舟阻宣風鎮

滾滾頑雲生荒荒杲日杳慘白割青冥淒碧亂昏曉
挾雷蟄蛟醒拔樹癡龍矯氣生九夏寒声滴孤篷愀
繫纜俄遷崖石朽杙忽及杪天械困艫艫神尻乏腰褭
安得萬丈劍截虹入雲表赤手攀金輪扶出金鳥皎

石綠蘇二有愛石癖屬諸同人畫石成相以當
寫照余亦為繼作并系以詩

石綠愛石如愛已抱石硜硜劇太喜曇柯畫石如畫
人下筆嶙峋為寫真世無贊皇與米老此石何誰訴

懷抱只與空山鹿，永遊亂蘓雲烟泣。晴昊鯉魚風急，
雨冥冥夜半瑤樞降。列星為地之骨氣，之核秋林一
氣搖空青。曳雪拖霞雅山曲。雅山石疑是癡仙偷向
長離廣楚峯前劇不然，何以確萍空嵌間。往往生券
靈華見神霄之籙，只憐獨向環碧齋中貯。環碧齋石寂
寂何人堪共語，或與桂陽萬歲岫。崑崙峰韓陵一片相
爾汝，至竟南雁往來咫尺雲。爾與木葉老人桐萼君
勒上清誥，設皇墳到溉僧孺不足數。太湖靈壁徒紛
紛，吁嘻石兮石兮爾寧為焦先之所食。鮑靚之所煮
兮，慎勿上燕然與梁父。刻秦相漢史之佞文，吾將呼
軒轅磨鏡瞿曇曬經方。秋齋與爾而同羣。

石緣復以素冊素畫重題

墨柯生平有石癖不愛員石愛方石寧方為見不員
卿落落此志終難易石緣見之笑且吁君今與我嗜
好同而殊古者怪石貢自禹神聖視等瑾與瑜齊安
江上二百九十八供之頌之始自吾家玉局蘓士德
所鍾筋絡見其精上係於瑤樞竒僵磊砢不一狀奚
必如涿厥杖破厥觚家君舊居雅山下巖礧磊砢
四野東連雁宕珠為峰址接石帆雲如馬搜剔羅列
滿員亭林居之居涵列星我與石丈二而一取
以石吾名為我吟仿白石句畫之用作石上釘所居
林屋山館為宋義士林景心齋墨柯聞之敬曰諾此
山有白石子洵宜置邱壑為誦東坡說題辭石之為言名曰託

仿坡公恠石圖再作

嶺陽夜嘯裂幽壑土精出土寒芒作筋回脉轉僵不
枯瑤星一片掌中落蛟螭之駭欲走知是十日之
日所鑄捺礫如高雲九壤崩以醜得名轉不醜玲瓏
中含古玉屑神聖用以鳴和平一擊再擊之所授能
使空山神鬼驚畸人抱此萬古呼汝作兄帝所許
莫教故李將軍來灞陵風雨看成虎

為汪蓮浦

琳

大令題

江

韓于役留

白草高原箭括中使君曾此控花驄放衙吏對鷄觚
月捧檄人經馬嶺風萬里微官辭樹葉十年陳跡印
沈鴻青陵瓜圃茲侯宅贏得面成四壁空
清江屈曲鮑城環靈武臺高近玉關馬踏層冰巡磧
度鷗橫大漢屬橐還金笳稚子軍中曲鏡笛梅花夢

裡仙記得一鞭吟嘯處
隴頭流水和潺潺
孤懷為我寫重時
落拓尊前現在身
遠宦虞翻辭慨
平紅監沈以秋先
雪白豹城高草

思好憐他明月是先秦
木落蕭閑驛路微
官似在山泉乍
并無粟里花三徑
空憶金城柳
木將舊事悵征衣

眼蟾

笑青

金雞

溫州市圖書館